



後漢書 五之七



漢書門類			
二	四	一	八
一	九	一	五
函	架	冊	冊


內閣文庫			
二	四	一	八
一	九	一	五
函	架	冊	冊

內閣文庫			
番號	漢	2141	
冊數	50 (4)		
函號	279	80	





間



安帝紀第五

范曄

後漢書

恭宗孝安皇帝諱祐

謚法曰寬容和平日安伏侯古今注曰祐之字

曰肅宗孫也父清河孝王慶母左姬帝自在

邸第

倉頡篇曰邸舍也說文云屬國之舍數也前書音義曰第謂有甲乙之次第數

有神光照室又有赤蛇盤於牀第之閒

第牀簣也


年十歲好學史書

史書者周宣王太史籀所作之書也凡五十五篇可

以教童幼和帝稱之數見禁中延平元年慶始就

國鄧太后特詔留帝清河邸八月殤帝崩太

后與兄車騎將軍鄧騭定策禁中其夜使騭



持節以王青蓋車迎帝齋于殿中續漢志曰皇太后皇

子皆安車朱班輪青蓋金華發皇子為王錫以乘之故曰王青蓋車皇孫則綠車皇

太后御崇德殿百官皆吉服洛陽南宮有崇德殿不可以凶

事臨朝故群臣陪位引拜帝為長安侯不即吉服也

天子而封侯者不欲從微即登皇位皇太后詔曰先帝聖德淑

茂早棄天下朕奉皇帝夙夜瞻仰日月冀望

成就豈意卒然顛沛天年不遂悲痛斷心朕

惟平原王素被痼疾念宗廟之重思繼嗣之

統唯長安侯祐質性忠孝小心翼翼翼翼敬慎也詩

曰惟此文王小心翼翼能通詩論篤學樂古仁惠愛下

年已十三有成人之志親德係後莫宜於祐

係即禮也禮昆弟之子猶已子禮記檀弓之文春秋之義

為人後者為之子不以父命辭王父命為人後者

謂出繼於人也王父謂祖也穀梁傳曰衛靈公廢太子蒯躄立孫輒不受父之命而受之

王父其以祐為孝和皇帝嗣奉承祖宗案禮

儀奏又作策命曰惟延平元年秋八月癸丑

皇太后曰咨長安侯祐孝和皇帝懿德巍巍

光于四海大行皇帝不永天年前書音義曰禮有大行人

有小行人主謚號官也韋昭云大行者不反之辭也天子崩未有謚故稱大行也穀梁傳曰大行受大名風俗通曰天子崩崩朕惟侯未有謚故且稱大行皇帝義兩通

孝章皇帝世嫡皇孫謙恭慈順在孺而勤也或作在孺平勤宜奉郊廟承統大業今以侯嗣孝和皇帝後其審君漢國允執其中一人有慶萬民賴之皇帝其勉之哉讀策畢太尉奉上璽綬即皇帝位年十三太后猶臨朝公羊傳曰猶者可止之九月庚子謁高廟辛丑謁光武廟六州大水已未遣謁者分行虛實舉灾害賑乏

絕丙寅葬孝殤皇帝于康陵陵在墳陵塋中

尺闊二百八步乙亥隕石于陳留西域諸國叛攻都

護任尚遣副校尉梁懂救尚擊破之慳音冬

十月四列大水雨雹詔以宿麥不下宿舊也

年而熟故稱宿賑賜貧人十二月甲子清河王薨使

司空持節弔祭車騎將軍鄧騭護喪事乙酉

罷魚龍曼延百戲漢官典職曰作九賓樂舍利之獸從西方來戲於庭

入前殿激水化成比目魚噉水作霧化成黃龍長八丈出水邀戲於庭炫耀日光曼延者獸名也張衡西京賦所云巨獸百尋是為曼延音以戰反

永初元年春正月癸酉朔大赦天下蜀郡徼

外羌內屬東觀記曰徼外羌龍戊寅分捷為

南郡為屬國都尉稟司隸充豫徐冀并州貧

民司隸領河南河內河東弘農二月丙午以

廣成游獵地廣成苑名在汝州西及被灾郡國公田假

與貧民丁卯分清河國封帝弟常保為廣川

王廣川縣屬信都國故城在今冀州寧疆縣東北庚午司徒梁鮪薨

三月癸酉日有食之詔公卿內外眾官郡國

守相舉賢良方正有道術之士明政術達古

今能直言極諫者各一人巳卯永昌徼外僬

僥種夷貢獻內屬甲申葬清河孝王贈龍旗

虎賁夏五月甲戌長樂衛尉魯恭為司徒前書

曰衛尉秦官掌宮門衛屯兵也長樂建章甘泉宮皆隨呀掌以為官名秩中二千石也

丁丑詔封北海王睦孫壽光侯普為北海王

九真徼外夜郎蠻夷舉土內屬九真郡名今愛州縣六

月戊申爵皇太后母陰氏為新野君丁巳河

東地陷壬戌罷西域都護先零種羌叛斷隴

道大為寇掠遣車騎將軍鄧騭征西校尉任

尚討之丁卯赦除諸羌相連結謀叛逆者罪
秋九月庚午詔三公明申舊令禁奢侈無作
浮巧之物殫財厚葬是日太尉徐防免以災異屢
見也辛未司空尹勤免以水雨漂流也癸酉調揚州五
郡租米五郡謂九江丹陽廬江吳郡豫章也揚州領六郡會稽最遠蓋不調也
瞻給東郡濟陰陳留梁國下邳山陽丁丑詔
曰自今長吏被考竟未報考謂考問其狀也報謂斷決也自
非父母喪無故輒去職者劇縣十歲平縣五
歲以上乃得次用壬午詔太僕少府減黃門

鼓吹以補羽林士漢官儀曰黃門鼓吹百四十五人羽林左監主羽林

八百人右監廐馬非乘輿常所御者皆減半

食乘輿天子所乘車輿也不敢斥言尊者故稱乘輿見蔡邕獨斷諸所造作

非供宗廟園陵之用皆且止丙戌詔死罪以

下及亡命贖各有差庚寅太傅張禹為太尉

太常周章為司空漢官儀曰章字次叔荆州隨縣人也冬十月

倭國遣使奉獻倭國去樂浪萬二千里男子黥面文身以其文左右大小

別尊卑之差見本傳辛酉新城山泉水大出東觀記曰突壞人田

水深三丈十一月丁亥司空周章密謀廢立策免

自殺戊子勅司隸校尉冀并二州刺史民訛
 言相驚奔捐舊居老弱相攜窮困道路其各
 勅所部長吏躬親曉諭若欲歸本郡在所為
 封長檄不欲勿強封謂印封之也長檄猶今
 牒為驗強十二月乙卯潁川太守張敏為司
 空是歲郡國十八地震四十二雨水或山水
 暴至二十八風雨雹

二年春正月稟河南下邳東萊河內貧民古

註曰時州郡大飢米石二
 千人相食老弱相奔道路車騎大將軍鄧騭

為種荒所敗於冀西續漢書曰種荒九千餘
 戶在隴西臨洮谷冀縣

屬天水郡也。劉放曰正文案官無車騎
 大將軍者明大字衍騭後乃為大將軍耳二

月乙丑遣光祿大夫樊準呂倉分行冀兗二

州稟貸流民夏四月甲寅漢陽城中火燒殺

三千五百七十八人五月旱丙寅皇太后幸洛

陽寺及若盧獄錄囚徒賜河南尹廷尉卿及

官屬以下各有差即日降雨六月京師及郡

國四十大水大風雨雹東觀記曰雹大如芋
 魁鷄子風拔樹發屋

秋七月戊辰詔曰昔在帝王承天理民莫不

據璇璣以齊七政孔安國尚書注曰璇璣玉

者正天文之器也七政日月五星各異其政制即今之渾儀朕以不德遵

奉大業而陰陽差越變異並見萬民饑流荒

貊叛戾夙夜克已憂心京京詩小雅曰憂心

京憂也閒令公卿郡國舉賢良方正遠求博選

開不諱之路冀得至謀以鑒不逮而所對皆

循尚淳言無卓爾異聞卓爾高遠之兒也論語曰如有所立卓爾

其百僚及郡國吏人○劉放曰案此不成文理當有一令字有

道術明習灾異陰陽之度璇璣之數者各

間

使指變以聞二千石長吏明以詔書博衍幽

隱衍猶引也朕將親覽待以不次冀獲嘉謀以承

天誠閏月辛丑廣川王常保薨無子國除癸

未蜀郡徵外羌舉士內屬東觀記曰徵外羌薄申等八種舉衆

降九月庚子詔王主官屬墨綬下至即謁者

續漢書曰王國有中大夫秩比六百石謁者比四百石郎中二百石○劉放曰正文案二

漢諸侯王未嘗有主稱蓋是國字前書多言王國此注中亦有王國文王字作國無疑也

或謂主指公主案公主但有家令無郎謁者又此詔文但言國相移名其非公主明矣或

者傳寫見後有王其經明任博士居鄉里有主之文遂誤於此

廉清孝順之稱才任理人者國相歲移名與

計偕上尚書公府通調令得外補移書也冬

十月庚寅稟濟陰山陽玄菟貧民征西校尉

任尚與先零羌戰于平襄尚軍敗績平襄縣屬天水

郡故襄戎邑也十一月辛酉拜鄧騭為大將軍徵還

京師留任尚屯隴右先零羌滇零稱天子於

北地滇零羌名音丁田反遂寇三輔東犯趙魏南入益

州殺漢中太守董炳十二月辛卯稟東郡鉅

鹿廣陽安定定襄沛國貧民廣漢塞外參狼

羌降分廣漢北部為屬國都尉是歲郡國十

二地震

三年春正月庚子皇帝加元服元服謂加冠也士冠禮曰

令月書辰加爾元服鄭玄云元首也大赦天下賜王主貴人公

卿以下金帛各有差男子為父後及三老孝

悌力田爵人二級流民欲占者人一級遣騎

都尉任仁討先零羌不利羌遂破沒臨洮縣名

屬隴西郡高句驪遣使貢獻三月京師大饑民相

食壬辰公卿詣闕謝詔曰朕以幼冲奉承鴻

業不能宜流風化而感逆陰陽至今百姓饑

荒更相噉食永懷悼歎若墜淵水咎在朕躬

非群司之責而過自貶引重朝廷之不德引貶

謂貶損引過也其務思變復以助不逮癸巳

詔以鴻池假與貧民續漢書曰鴻池在洛陽東二十里假借也令得

漁采其中壬寅司徒魯恭免夏四月丙寅大鴻臚

九江夏勤為司徒勳字伯宗壽春人也三公以國用不

足奏令吏人入錢穀得為關內侯虎賁羽林

郎五大夫官府吏緹騎營士各有差續漢志曰執金

吾緹騎二百人緹赤黃色管士謂五校營士也漢官儀曰屯騎越騎步兵射擊各領士七

百人長水領士千三百六十七人也己巳詔上林廣城苑可墾

關者賦與貧民甲申清河王虎威薨五月丙

申封樂安王寵子延平為清河王丁酉沛王

正薨癸丑京師大風六月烏桓寇代郡上谷

涿郡秋七月海賊張伯路等寇略緣海九郡

遣侍御史龐雄督州郡兵討破之庚子詔長

吏案行在所皆令種宿麥蔬食務盡地力其

貧者給種餉九月鴈門烏桓及鮮卑叛敗五

原郡兵於高渠谷東觀記曰戰九原高粱谷渠梁相類必有誤也冬

十月南單于叛圍中郎將耿仲於美稷十一

月遣行車騎將軍何熙討之劉攽曰案文少一事字十

二月辛酉郡國九地震乙亥有星孛于天苑

天苑星名是歲京師及郡國四十一雨水雹續漢書曰

雹大如鴈子也并涼二州大飢人相食

四年春正月元日會徹樂不陳充庭車每大朝會

必陳乘輿法物車輦於庭故曰充庭車也以辛飢故不陳辛卯詔以三輔

比遭寇亂人庶流冗除三年逋租過更口筭

芻橐

前書音義曰天下人皆戍邊三日不可人人自行行者自戍三日不可往復還

因便住一歲諸不行者出錢三百入官官以給戍者言過其本更之日故曰過更又曰人

年十五至五十六出賦錢人百二十為一筭也稟上郡貧民各有差

海賊張伯路復與勃海平原劇賊劉文河周

文光等攻厭次殺縣令遣御史中丞王宗督

青州刺史法雄討破之度遼將軍梁懂遼東

太守耿夔討破南單于於屬國故城丙午詔

減百官及州郡縣奉各有差二月丁巳稟九

江貧民南匈奴寇常山乙丑初置長安雍二

營都尉官

漢官儀曰京兆虎牙扶風都尉以

陵扶風都尉居雍縣故俗人稱雍營焉西羌傳云虎牙都尉居長安

建初以來諸祆言它適坐徙邊者各歸本郡

其没入官為奴婢者免為庶人詔謁者劉珍

及五經博士校定東觀五經諸子傳記百家

藝術整齊脫誤是正文字洛陽宮殿名曰南宮有東觀前書曰

凡諸子百六十九家言百家舉全數也三月南單于降先零羌

寇襲中縣名屬漢中郡今梁州襄城縣漢中太守鄭勤戰歿

徙金城郡都襄武襄武縣名屬隴西郡今渭川縣戊子杜陵

園火癸巳郡國九地震夏四月六州蝗東觀記曰

司隸豫兗徐青冀六州丁丑大赦天下秋七月乙酉三

郡大水巳卯騎都尉任仁下獄死九月甲申

益州郡地震冬十月甲戌新野君陰氏薨東觀

記曰新野君薨贈以玄玉赤紋賻錢三十萬布三萬匹使司空持節護

喪事大將軍鄧騭罷

五年春正月庚辰朔日有食之丙戌郡國十

地震巳丑太尉張禹免甲申光祿勳李脩為

太尉漢官儀曰脩字伯游豫州襄城人也二月丁卯詔省減郡

國貢獻太官口食先零羌寇河東遂至河內

三月詔隴西徙襄武安定徙美陽安定郡今涇州也

陽縣故城在今武功縣北徙池陽池陽縣故城在今

涇陽縣北徙衙上郡今綏州衙縣衛故城北也

日秦晉戰于彭衙即此也夫餘夷犯塞殺傷吏人閏月丁

酉赦涼州河西四郡戍戍詔曰朕以不德奉

郊廟承大業不能興和降善為人祈福灾異

蜂起寇賊縱橫夷狄猾夏猾亂也夏華夏也戎事不

息百姓匱乏疲於徵發重於蝗蟲滋生害及

成麥秋稼方收甚可悼也朕以不明統理失

中亦未獲忠良以毗闕政傳曰顛而不扶危

而不持則將焉用彼相矣公卿大夫將何以

匡救濟斯艱危承天誠哉蓋為政之本莫若

得人寢賢顯善聖制所先濟濟多士文王以

寧詩大雅之詞也思得忠良正直之臣以輔不逮其

令三公特進侯中二千石二千石郡守諸侯

相舉賢良方正有道術達於政化能直言極

諫之士各一人及至孝行與眾卓異者并遣

詣公車朕將親覽焉六月甲辰樂成王巡薨

秋七月己巳詔三公特進九卿校尉九卿奉

衛尉太僕鴻臚廷尉少府宗正司農校尉謂

城門屯騎越騎步兵長水胡騎等劉攽曰

注胡騎字誤當作射聲上舉列將子孫明曉

三年注中甚明說又在後戰陣任將帥者九月漢陽入杜琦王信叛東

記曰琦自稱與先零諸種羌攻陷上邽城十

二月漢陽太守趙博遣客刺殺杜琦東觀記

故吏杜習是歲九列蝗郡國八雨水

六年春正月庚申詔越雋置長吏高望始昌

三苑又令益州郡置萬歲苑捷為置漢平苑

捷為郡名前書音義曰故夜郎國三月十列

也故城在今眉州隆山縣西北也蝗夏四月乙丑司空張敏罷己卯太常劉凱

為司空五月旱丙寅詔令中二千石下至黃

綬一切復秩還贖賜爵各有差戊辰皇太后

幸雒陽寺錄囚徒理冤獄六月壬辰豫章負

谿原山崩負谿辛巳大赦天下遣侍御史唐

喜討漢陽賊王信破斬之續漢志曰傳信首

也冬十一月辛丑護烏桓校尉吳祉下獄死

外

也

也

是歲先零荒滇零死子零昌復襲偽號

七年春正月庚戌皇太后率大臣命婦謁宗

廟喪服傳曰命夫者其男子之為大夫也命婦者其大夫之妻也臣賢案東觀續漢袁

崧謝沈書古今注皆云六年正月甲寅謁宗廟此云七年庚戌疑紀誤也二月

丙午郡國十八地震夏四月乙未平原王勝

薨丙申晦日有食之五月庚子京師大雩左傳

曰龍見而雩杜預注云謂建巳之月龍星角元見東方雩遠也遠為百穀求膏雨周禮司

巫職曰若國大旱則帥巫而舞雩鄭玄注云雩吁也嗟而未雨秋護羌校尉

侯霸騎都尉馬賢破先零羌八月丙寅京師

大風蝗蟲飛過洛陽詔賜民爵郡國被蝗傷

稼十五以上勿收今年田租不滿者以實除

之九月調零陵桂陽丹陽豫章會稽租米零陵

郡名今永州縣也丹陽郡名今潤州江寧縣也餘並見上賑給南陽廣陵

下邳彭城山陽廬江九江飢民又調濱水縣

穀輸敖倉詩曰搏狩于敖即此也秦於北築太倉亦曰敖庚在今鄭州滎陽縣

西北東觀記曰濱水縣彭城廣陽廬江九江穀九千萬斛送敖倉

元初元年春正月甲子改元元初賜民爵人

二級孝悌力田人三級爵過公乘得移與子

若同產同產子民脫無名數及流民欲占者
人一級鰥寡孤獨篤癯貧不能自存者穀入

三斛貞婦帛人一匹二月己卯日南地圻東

記曰圻長百八十二里廣五十六里三月癸酉日有食之夏四

月丁酉大赦天下京師及郡國五旱蝗詔三

公特進列侯中二千石二千石郡守舉敦厚

質直者各一人五月先零羌寇雍城六月丁

巳河東地陷秋七月蜀郡夷寇蠶陵殺縣令

蠶陵縣屬蜀郡故城在今翼州翼九月乙丑

永縣西有蠶陵山因以為名焉

太尉李脩罷先零羌寇武都漢中絕隴道辛

未大司農山陽司馬苞為太尉謝承書曰苞字仲成東緡

也冬十月戊子朔日有食之先零羌敗涼州

刺史皮陽於狄道乙卯詔除三輔三歲田租

更賦口筭解見光武紀也十一月是歲郡國十五地

震

二年春正月詔稟三輔及并涼六郡流冗貧

人蜀郡青衣道夷奉獻內屬青衣道縣名在大江青衣二水

之會今嘉州龍遊縣也東觀修理西門豹所

記曰青衣蠻夷堂律等歸義

分漳水為支渠以溉民田

史記曰西門豹為鄴令發人鑿十二

渠引水灌田所鑿之渠在今相州鄴縣西也

二月戊戌遣中謁者

收葬京師客死無家屬及棺槨朽敗者皆為

設祭其有家屬尤貧無以葬者賜錢入五千

辛酉詔三輔河內河東上黨趙國太原各修

理舊渠通利水道以溉公私田

疇前書音義曰義田曰

疇三月癸亥京師大風先零羌寇益列遣中

郎將尹就討之夏四月丙午立貴人閻氏為

皇后五月京師旱河南及郡國十九蝗甲戌

詔曰朝廷不明庶事失中灾異不息憂心惶

懼被蝗以來七年于茲而列郡隱匿裁言頃

畝

裁與纜同古字通

今群飛蔽天為害廣遠所言所

見寧相副邪三司之職內外是監既不奏聞

又無舉正天灾至重欺罔臯大今方盛夏且

復假貸以觀厥後

假貸猶寬容也盛夏不可不加刑罰故且寬容

其

務消救灾省安輯黎元六月丙戌太尉司馬

苞薨

謝承書曰苞為太尉常食麇飯著布衣

所譜連及苞苞乞骸骨未見聽以疾薨也

洛陽新城地震裂秋七

月辛巳太僕太山馬英為太尉英字文思充州蓋縣人也

八月遼東鮮卑圍無慮縣屬遼東郡無音間有醫無間山因以

焉為名九月又攻夫犁營殺縣令夫犁縣名屬遼東屬國

壬午晦日有食之冬十月遣中郎將任尚屯

三輔詔郡國中都官繫囚減死一等勿答詣

馮翊扶風屯妻子自隨占著所在女子勿輸

不輸亡命死臯以下贖各有差其吏人聚為

盜賊有悔者除其罪乙未右扶風仲光安定

太守杜恢京兆虎牙都尉耿溥與先零羌戰

於丁奚城東觀記曰至北地靈州丁奚城也光等大敗並沒

左馮翊司馬鈞下獄自殺東觀記曰安定太守杜恢與鈞等并

威擊羌恢乘勝深入為虜所害鈞擁兵不救收鈞下獄也十一月庚申郡

國十地震十二月武陵澧中蠻叛州郡擊破

之東觀記曰蠻田山高少等攻城殺長吏州郡募五里蠻夷六亭兵追擊山等皆降賜

五里六亭渠率金帛各有差已酉司徒夏勤罷庚戌司空

劉愷為司徒光祿勳袁敞為司空

三年春正月甲戌修理太原舊溝渠溉灌官

私田酈元水經曰昔智伯過晉水以灌晉陽後人踵其遺跡蓄以為沼分為三派北

瀆即智氏故渠也其瀆來高東北注入晉湯
城以漑灌東南出城注於汾水今所修溝渠
即謂東平陸上言木連理東平陸縣名古厥國也屬東平國今

兖州平陸縣也序列曰九瑞應自和帝以上
政事多美近於有實故書見於某處自安帝
以下王道衰缺容或虛蒼梧鬱林合浦蠻夷

反叛蒼梧郡今梧州縣也合浦郡今廉州縣也二月遣侍御史任

遵督列郡兵討之遵音丁角反郡國十地震三月

辛亥日有食之丙辰赦蒼梧鬱林合浦南海

吏人為賊所迫者夏四月京師旱五月武陵

蠻復叛州郡討破之癸酉度遼將軍鄧遵率

南匈奴擊先零羌於靈州破之靈州縣名屬北地郡故城

在今慶州馬越雋徼外夷舉種內屬六月中

即將任尚遣兵擊破先零羌於丁奚城秋七

月武陵蠻復叛州郡討平之緱氏地圻九月

辛巳趙王宏薨冬十一月蒼梧鬱林合浦蠻

夷降丙戌初聽大臣二千石刺史行三年喪

文帝遺詔以日易月於後大臣癸卯郡國九

地震十二月丁巳任尚遣兵擊破先零羌於

北地

四年春二月乙巳朔日有食之乙卯大赦天

下壬戌武庫灾夏四月戊申司空袁敞薨已

已鮮卑寇遼西遼西郡兵與烏桓擊破之遼西

郡故城在今平五月丁丑太常李邵為司空

六月戊辰三郡雨雹秋七月辛丑陳王鈞薨

京師及郡國十雨水詔曰今年秋稼茂好垂

可收穫而連雨未霽霽雨止也懼必淹傷夕惕惟

憂思念厥咎夫霖雨者人怨之所致左傳曰

日以上為霖京房別對灾其武吏以威暴下

異日人勞怨苦雨水絕道

文吏妄行苛刻鄉吏因公生姦為百姓所患

苦者有司顯明其罰又月令仲秋養衰老授

几杖行糜粥鄭玄注云助老方今案比之時

東觀記曰方今八月案比之時謂案驗戶口次比之也郡縣多不奉行

雖有糜粥糠粃相半長吏怠事莫有躬親甚

違詔書養老之意其務崇仁恕賑護寡獨稱

朕意焉九月護羌校尉任尚使客刺殺叛羌

零昌冬十一月己卯彭城王恭薨十二月越

雋夷寇遂又殺縣令遂又縣屬甲子任尚及

騎都尉馬賢與先零羌戰于富平上河大破

之富平縣屬北地郡故城在今靈州回樂縣西南鄯元水經注曰河水於此有上河之名

也度人羌率眾降度人羌號也東觀記曰度人種羌大豪恬狼等詣度

遼將隴右平是歲郡國十三地震

五年春正月越嶲夷叛二月壬戌中山王憲

薨三月京師及郡國五旱詔稟遭旱貧人夏

六月高句驪與穢貊寇玄菟郡名在遼東秋七月

越嶲蠻夷及旄牛豪叛殺長吏旄牛縣屬蜀郡華陽國志

日在卯來丙子詔曰舊令制度各有科品漢

山表也

今欲令百姓務崇節約遭永初之際人離荒

危朝廷躬自菲薄去絕奢飾食不兼味衣無

二綵比年雖獲豐穰尚乏儲積而小人無慮

不圖久長嫁娶送終紛華靡麗至有走卒奴

婢被綺縠著珠璣綺文縵縠紗也珠璣不圓者也京師尚若

斯何以示四遠設張法禁懇惻分明而有司

惰任訖不奉行秋節既立鷩鳥將用鷩鳥鷹之類

也廣雅曰鷩執也以其能服執衆鳥月令孟

秋鷹乃祭鳥始用行戮言有司怠惰不遵法

令將欲糾其罪順秋行且復重申以觀後效誅同鷹鷩之鷩擊也

八月丙申朔日有食之鮮卑寇代郡殺長吏
冬十月鮮卑寇上谷十二月丁巳中郎將任
尚有臯弃市是歲郡國十四地震
六年春二月乙巳京師及郡國四十二地震
或坼裂水泉涌出壬子詔三府選掾屬高第
能惠利牧養者各五人光祿勳與中郎將選
孝廉郎寬博有謀清白行高者五十人出補
令長丞尉乙卯詔曰夫政先京師後諸夏月
令仲春養幼小存諸孤季春賜貧窮賑乏絕

省婦使表貞女所以順陽氣崇生長也

鄭玄云婦

使謂組

糾之事其賜人充貧困孤弱單獨穀人三斛

貞婦有節義十斛甄表門閭旌顯厥行

節謂志操

義謂推讓甄明旌章也里門謂

之間旌表者若今樹闕而顯之三月庚辰始

立六宗祀於洛城西北

續漢志曰元初六年以尚書歐陽家說謂

六宗者在天地四方之中為上下四方之宗以元始中故事謂六宗易六子之氣日月雷公風伯山澤者非也乃更六宗祠於戌亥之地禮比大社也夏四月會稽

大疫遣光祿大夫將太醫循行疾病賜棺木

漢官儀太醫令一人秩六百石除田租口賦沛國勃海大風

雨雹五月京師旱六月丁丑樂成王賓薨丙

戌平原王得薨秋七月鮮卑寇馬城搜神記曰昔秦

人築城於武周塞以備胡將城而崩者數矣有馬馳走周旋反覆父老異之因依以築城

城乃不崩遂以名焉其故城今在朔州也度遼將軍鄧遵率南單

于擊破之九月癸巳陳王竦薨十二月戊午

朔日有食之既郡國八地震是歲永昌益列

蜀郡夷叛與越雋夷殺長吏燔城邑益州刺

史張喬討破降之

永寧元年春正月甲辰任城王安薨三月丁

酉濟北王壽薨車師後王叛殺部司馬沈氏

羌寇張掖沈氏羌號也續漢志曰羌在上郡西河者號沈氏也夏四月

丙寅立皇子保為皇太子改元永寧大赦天

下賜王主三公列侯下至郎吏從官金帛又

賜民爵及布粟各有差已巳紹封陳王羨子

崇為陳王濟北王子萇為樂成王河閒王子

翼為平原王壬午琅邪王壽薨六月沈氏種

羌叛寇張掖護羌校尉馬賢討沈氏羌破之

秋七月乙酉朔日有食之冬十月已巳司空

李邵免癸酉衛尉廬江陳寢為司空

寢字伯仁舒縣

也人自三月至是月京師及郡國三十三大風

雨水十二月末昌徼外揮國遣使貢獻

揮音擅

戊辰司徒劉愷罷遼西鮮卑降癸酉太常楊

震為司徒是歲郡國二十三地震夫餘王遣

子詣闕貢獻燒當羌叛

建光元年春正月幽列刺史馮煥率二郡太

守討高句驪穢貊不克二月癸亥大赦天下

賜諸園貴人

謂宮人無子守園陵者也

王主公卿以下錢

布各有差以公卿校尉尚書子弟一人為郎

舍人三月癸巳皇太后鄧氏崩丙午葬和熹

皇后丁未樂安王寵薨戊申追尊皇考清河

孝王曰孝德皇皇妣左氏曰孝德皇后祖妣

宋貴人曰敬隱皇后夏四月穢貊復與鮮卑

寇遼東遼東太守蔡諷追擊戰歿丙辰以廣

川并清河國丁巳尊孝德皇元妃耿氏為甘

陵大貴人

甘陵孝德皇后之陵也因以

甲子

樂成王萇有罪廢為臨湖侯

續漢書曰坐輕慢不孝故貶臨

湖縣名屬廬江郡也

已巳令公卿特進侯中二千石二

千石郡國守相舉有道之士各一人賜鰥寡

孤獨貧不能自存者穀入三斛甲戌遼東屬

國都尉龐奮承偽璽書殺玄菟太守姚光五

月庚申特進鄧騭及度遼將軍鄧遵並以譖

自殺乳母王聖與中黃門李閏等誣告尚書鄧訪等謀廢立宗族皆免官騭與遵皆

自殺丙申貶平原王翼為都鄉侯秋七月己卯

改元建光大赦天下壬寅太尉馬英薨八月

護羌校尉馬賢討燒當羌於金城不利甲子

前司徒劉愷為太尉鮮卑寇居庸關九月雲

中太守成嚴擊之戰歿鮮卑圍烏桓校尉於

馬城度遼將軍耿夔救之戊子幸衛尉馮石

府續漢書曰賜賞寶劍玉玦雜繒布等。是劉攽曰注案文多一賞字贊語注可驗

秋京師及郡國二十九雨水冬十一月己丑

郡國三十五地震或圻裂詔三公已下各上

封事陳得失遣光祿大夫案行賜死者錢入

二千除今年田租其被災甚者勿收口賦鮮

卑寇玄菟庚子復斷大臣二千石以上服三

年喪癸卯詔三公特進侯卿校尉舉武猛堪
將帥者各五人丙午詔京師及郡國被水雨
傷稼者隨頃畝減田租甲子初置漁陽營兵
伏侯古今注曰置營兵千人也冬十二月高句驪馬韓穢貊
圍玄菟城夫餘王遣子與州郡并力討破之
延光元年春二月夫餘王遣子將兵救玄菟
夫餘王子尉仇台也擊高句驪馬韓穢貊破之遂遣使
貢獻三月丙午改元延光大赦天下還徙者
復戶邑屬籍賜民爵及三老孝悌力田人二

級加賜鰥寡孤獨篤癯貧不能自存者粟人

三斛貞婦帛人二匹夏四月癸未京師郡國

二十一雨雹癸巳司空陳寔免五月庚戌宗

正彭城劉授為司空漢官儀曰宗正卿秩中二千石授字孟春徐川

武原人也已巳改樂成國為安平封河間王開子

得為安平王六月郡國蝗秋七月癸卯京師

及郡國十三地震高句驪降虜入羌叛攻穀

羅城穀羅屬西河郡度遼將軍耿夔討破之八月戊

子陽陵園寢火景帝陵也辛卯九真言黃龍見無

功無功縣屬九真郡已亥詔三公中二千石舉刺史

二千石令長相視事一歲已上至十歲清白

愛利能勅身率下防姦理煩有益於人者無

拘官薄清白謂真正也愛利謂愛人而利之也無拘官薄謂受超迁之不拘常牒

也○劉放曰注刺史舉所部郡國太守相舉

案文受當作將墨綬隱親悉心勿取浮華也墨綬謂今長之屬也隱親猶親自隱

也悉盡也言令三公以下各舉所知皆隱審盡心勿取浮華不實者九月甲戌

郡國二十七地震冬十月鮮卑寇鴈門定襄

十一月鮮卑寇太原燒當羌豪降十二月九

真徼外蠻夷貢獻內屬是歲京師及郡國二

十七雨水大風殺人詔賜歷溺死者年七歲

以上錢入二千其壞敗廬舍失亡穀食粟入

三斛又田被淹蕩者一切勿收田租若一家

皆被災害而弱小存者郡縣為收斂之虔人

羌反攻穀羅城度遼將軍耿夔討破之

二年春正月旄牛夷叛寇靈關殺縣令靈關道屬

越雋郡益列刺史蜀郡西部都尉討之詔選三

署郎三署解見和帝紀及吏人能通古文尚書毛詩

穀梁春秋各一人丙辰河東潁川大風夏六

月壬午郡國十一大風九真言嘉禾生東觀記曰

禾百五十六季七百六十八穗丙申北海王普薨秋七月丹

陽山崩八月庚午初令三署郎通達經術任

牧民者視事三歲以上皆得察舉九月郡國

五雨水冬十月辛未太尉劉愷罷甲戌司徒

楊震為太尉光祿勳東萊劉熹為司徒熹字季明

青州長廣人也十一月甲辰校獵於上林苑鮮卑敗

南匈奴於曼柏是歲分蜀郡西部為屬國都

尉京師及郡國三地震

三年春二月丙子東巡狩丁丑告陳留太守

祠南頓君光武皇帝于濟陽復濟陽今年田

租芻橐庚寅遣使者祠唐堯於成陽古成伯國也故

城在今濮州雷澤縣北述戊子濟南上言鳳

皇集臺縣丞霍牧舍樹上臺縣屬濟南郡故城在今齊州平陵

北縣賜臺長帛五十四匹丞三十四匹尉半之吏卒

入三匹鳳皇所過亭郡無出今年田租賜男

子爵人二級辛卯幸太山柴告岱宗太山王者告代

三作二

之處為五岳之宗故日岱宗燔柴以告天齊王無忌北海王普樂

安王延來朝壬辰宗祀五帝于汶上明堂癸

巳告祀二祖六宗二祖高祖光武也六宗謂孝宣日中宗孝元日高宗孝明日顯宗孝章日肅宗勞賜郡縣作樂三

月甲午陳王崇薨戊戌祀孔子及七十二弟

子於闕里自魯相令丞尉及孔氏親屬婦女

諸生悉會賜寢成侯以下帛各有差還幸東

平至東郡歷魏郡河內壬戌車駕還京師幸

太學是日太尉楊震免夏四月乙丑車駕入

宮假于祖禰假音格格至也壬戌沛國言甘露降豐

縣戊辰光祿勳馮石為太尉五月南匈奴左

日逐王叛使匈奴中郎將馬翼討破之日南

徼外蠻夷內屬六月鮮卑寇玄菟庚午閬中

山崩閬中縣屬巴郡臨閬中水因以為名今隆列縣也辛未扶風言

白鹿見雍辛巳遣侍御史分行青冀二州灾

害督錄盜賊秋七月丁酉初復右校令左校

丞官續漢志日將作大匠屬官有左右校皆有令丞中興未嘗今始復日南

徼外蠻豪帥詣闕貢獻馮翊言甘露降頻陽

衍頰陽縣故城在今雍州義原縣西南衍見上 穎川上言木連理

白鹿麒麟見陽翟鮮卑寇高柳梁王堅薨明帝

孫節王暢之子也八月辛巳大鴻臚耿寶為大將軍

戊子穎川上言麒麟一白虎二見陽翟九月

丁酉廢皇太子保為濟陰王常侍江京等譖之也乙巳

詔郡國中都官死臯繫囚減罪一等詔敦煌

隴西及度遼營漢官儀曰度遼將軍屯五原曼柏縣也○劉敞曰正文詔

敦煌按文詔當作詣其右趾以下及亡命者贖各有差

辛亥濟南上言黃龍見歷城歷城縣屬濟南國今齊州縣也

庚申晦日有食之冬十月行幸長安壬午新

豐上言鳳皇集西畝亭今新豐縣西南有鳳皇原俗傳云即此時

鳳皇所集之處也丁亥會三輔守令掾史於長安作

樂閏月乙未祠高廟遂有事十一陵歷觀上

林昆明池遣使者祠太上皇于萬年以中牢

祠蕭何曹參霍光十一月乙丑至自長安十

二月乙未琅邪言黃龍見諸縣諸縣名故城在今密州諸

城縣西南是歲京師及諸郡國二十三地震三十

六雨水疾風雨電○劉敞曰案文衍一諸字史文未嘗有如此者

後漢書

卷之四

四年春正月壬午東郡言黃龍二麒麟一見

濮陽縣名屬東郡即古昆吾國二月乙亥下

邳王衍薨甲辰南巡狩三月戊午朔日有食

之庚申幸宛帝不豫辛酉令大將軍耿寶行

太尉事祠章陵園廟告長沙零陵太守祠定

王節侯鬱林府君乙丑自宛還丁卯幸葉帝

崩于乘輿年三十二祕不敢宣所在上食問

起居如故庚午還宮辛未夕乃發喪尊皇后

為皇太后太后臨朝以后兄大鴻臚閻顯為

車騎將軍定策禁中立章帝孫濟北惠王壽

子北鄉侯懿東觀記及續漢書並曰北鄉侯續今作懿蓋二名甲戌

濟南王香薨光武曾孫簡乙酉北鄉侯即皇

帝位夏四月丁酉太尉馮石為太傅石字次初荊州

湖陽人也司徒劉熹為太尉叅錄尚書事前

司空李郃為司徒辛卯大將軍耿寶中常侍

樊豐侍中謝暉周廣乳母野王君王聖坐相

阿黨豐暉廣下獄死寶自殺聖徙鴈門己酉

葬孝安皇帝于恭陵在今洛陽東北二十七里伏侯古今注曰陵山

周二百六十大丈 廟曰恭宗六月乙巳大赦天

高十五丈也 下詔先帝巡狩所幸皆半入今年田租秋七

月西域長史班勇西域都護之長史也擊車師後王斬

之丙午東海王肅薨冬十月丙午越雋山崩

辛亥少帝薨是冬京師大疫

論曰孝安雖稱尊享御而權歸鄧氏至乃損

徹膳服克念政道然今自房帷威不逮遠始

失根統歸成陵敝遂復計金授官永初元年令吏人入

錢穀得至移民逃寇羌既轉盛詔隴西徙襄武安定徙美陽北地徙

關內侯也

池陽推咎台衡以咎天眚台謂三台三公象也

平伊尹為阿既云招婦亦惟家之索矣哲智也索

衡即其義也盡也謂鄧后專制國柄也詩曰哲夫成城哲婦傾城書曰牝雞之晨惟家之索

贊曰安德不升糝我王度糝穀不成也諭政教之穢左傳祈昭

之詩曰思降奪諸嫡開萌邪蠹儲嫡謂太子也邪蠹謂江

我王度馮石承歡揚公逢怒續漢志曰上賜衛尉馮石寶劍王珙

京等也雜繒布等故曰承歡也楊公楊震逢怒謂樊豐等譖震云有恚恨心帝免之○劉放曰注

續漢志案前文作漢書今此彼日而微遂侵

作志志不記如此事作書是彼日而微遂侵

天路日君道也微不明也侵陰陽相侵之氣也詩曰彼月而微此日而微言君道闇

亂政化陵遲漢祚衰微自此而始故言遂後天路也紀書殤帝葬康陵臣放案前書平帝已名康陵不當重複章懷注云在慎陵瑩中庚地庚與康相似但少許不同然檢續漢志亦作康陵又質帝年敘康陵在恭陵上都是康字不知此字自章懷已前誤之耶或者後人傳寫一處誤之遂都改令同也然章懷注語則似作庚無疑

安帝紀第五

張泉王

鰲叟

校正

順冲質帝紀第六

范曄

後漢書六

孝順皇帝諱保

謚法曰慈和徧服曰順狀侯古今注曰保之字曰守安

帝之子也母李氏為閹皇后所害永寧元年

立為皇太子延光三年安帝乳母王聖大長

秋江京

前書曰長秋皇后官李秦官將行也景帝更名大長秋或用中人或用士

人秩二千石中興常用宜者

中常侍樊豐譖太子乳母王

男廚監邴吉殺之太子數為歎息王聖等懼

有後禍遂與豐京共構陷太子太子坐廢為

濟陰王明年三月安帝崩北鄉侯立濟陰王

以廢黜不得上殿親臨梓宮悲號不食內外
群僚莫不哀之及北鄉侯薨車騎將軍閻顯
及江京與中常侍劉安陳達等白太后祕不
發喪而更徵立諸國王子乃閉宮門屯兵自
守十一月丁巳京師及郡國十六地震是夜
中黃門孫程等十九人十九人見共斬江京
劉安陳達等迎濟陰王於德陽殿西鍾下漢
儀曰崇賢門即皇帝位年十一近臣尚書以
內德陽殿也下從輦到南宮登雲臺召百官尚書令劉光

等奏言孝安皇帝聖德明茂早棄天下陛下

正統當奉宗廟而姦臣交構遂令陛下龍潛

蕃國

從太子廢為王故曰龍潛蕃國

群僚遠近莫不失望天

命有常北鄉不永漢德盛明福祚孔章

孔甚也章

明也近臣建策左右扶翼內外同心稽合神明

陛下踐祚奉遵鴻緒為郊廟主承續祖宗無

窮之烈上當天心下厭民望而即位倉卒典

章多缺請條案禮儀分別具奏制曰可乃召

公卿百僚使虎賁羽林士屯南北宮諸門

漢官

儀曰書稱虎賁三百人言其猛怒如虎之奔
赴也孝武建寧三年初置期門平帝元始元
年更名虎賁郎又武帝太初元年初置建章
營騎後更名羽林以天有羽林之星故取名
焉又取從軍死士之子孫養羽林官教以五
兵號曰羽林孤兒光武中興以征伐之士勞
苦者為之故
閻顯兄弟聞帝立率兵入北宮
曰羽林士

尚書郭鎮與交鋒刃遂斬顯分衛尉景戊午
遣使者入省奪得璽綬乃幸嘉德殿遣侍御
史持節收閻顯及其弟城門校尉耀執金吾
晏並下獄誅已未開門罷屯兵壬戌詔司隸
校尉惟閻顯江京近親當伏辜誅其餘務崇

寬貸壬申謁高廟癸酉謁光武廟乙亥詔益

州刺史罷子午道通褒斜路子午道平帝時
王莽通之三秦

記曰字午長安正南山名秦嶺谷一名樊川
褒斜漢中谷名南谷名褒北谷名斜首尾七

百已卯葬少帝以諸王禮司空劉授免東觀
記曰

以阿附惡逆辟
召非其人策罷賜公卿以下錢穀各有差十

二月甲申以少府河南陶敦為司空敦字文
理京縣

人其令郡國守相視事劉放曰案他處上
有詔語則下有其令

云云無有特出其
字者明多此字未滿歲者一切得舉孝廉

吏漢法視事滿歲乃得舉今帝新即
位施恩惠雖未滿歲得令舉人癸卯尚

書奏請下有司收還延光三年九月丁酉以
皇太子爲濟陰王詔書奏可京師大疫辛亥
詔公卿郡守國相舉賢良方正能直言極諫
之士各一人尚書令以下從輦幸南宮者皆
增秩賜布各有差

永建元年春正月甲寅詔曰先帝聖德享祚
未永早棄鴻烈茲憑緣閒人庶怨讟上干和
氣疫癘爲災朕奉承大業未能寧濟蓋至理
之本稽弘德惠蕩滌宿惡與人更始其大赦

天下賜男子爵人二級爲父後三老孝悌力
田人三級流民欲自占者一級鰥寡孤獨篤
癯貧不能自存者粟人五斛貞婦帛人三匹
坐法當徙勿徙亡徒當傳勿傳徙囚逃亡當
傳捕者放之

勿捕宗室以罪絕皆復屬籍其與閭顯江京等
交通者悉勿考勉修厥職以康我民卒未皇
太后閻氏崩辛巳太傅馮石太尉劉熹司徒

李邵免

馮石字次初東觀記曰馮劉以
阿黨權貴李邵以人多疾疫免

二月

甲申葬安思皇后丙戌太常桓焉爲太傅大

鴻臚朱寵為太尉叅錄尚書事長樂少府九

江朱俛為司徒朱寵字仲威京兆杜陵人朱俛字孫卿壽春人也俛音丑

良賜百官隨輦宿衛及拜除者布各有差劉

放日案文云及拜除者隨輦宿衛乃者賞功拜除者未知何諸蓋傳寫之誤當云賜百官

隨輦宿衛拜除者布各有差拜除謂已隴西

鍾羌叛護羌校尉馬賢討破之夏五月丁丑

詔幽并涼州刺史使各實二千石以下至黃

綬寶謂驗實之也二千石太守也黃綬丞尉也前書曰比二百石以上銅印黃綬年

老劣弱不任軍事者上名嚴勅障塞繕設屯

備立秋之後簡習戎馬六月己亥封濟南王

錯子顯為濟南王秋七月庚午衛尉來歷為

車騎將軍八月鮮卑寇代郡太守李超戰歿

九月辛亥初令三公尚書入奏事冬十月辛

巳詔減死罪以下徙邊其亡命贖各有差丁

亥司空陶敦免鮮卑犯邊庚寅遣黎陽營兵

出屯中山北界告幽州刺史其令緣邊郡增

置步兵列屯塞下調五營弩師郡舉五人令

教習戰射調選也五營五校也謂長水步兵射聲胡騎車騎等五校尉也○劉

收實之實當
作責

放曰正文案調五營弩師何為更言舉明此
舉字是與字一郡與五人教習也○又注案
此五校之名大誤檢百官志有屯騎越騎步
兵長水射聲今此誤云胡騎車騎當改胡作
屯車作越且二漢有車騎將軍及騎都尉官
耳無車騎校尉也又胡騎中興長水矣所以
知非章懷之誤者安紀永初三
年注五校引用漢官儀甚明
壬寅廷尉張
皓為司空甲辰詔以疫癘水潦令人半輸今
年田租傷害什四以上勿收實不滿者以實
除之十二月辛巳賜王主貴人公卿以下布
各有差

二年春正月戊申樂安王鴻來朝丁卯常山

王章薨二月鮮卑寇遼東玄菟甲辰詔稟貸
荆豫兗冀四州流冗貧人所在安業之疾病
致醫藥護烏桓校尉耿曄率南單于擊鮮卑
破之三月旱遣使者錄囚徒䟽勒國遣使奉
獻夏六月乙酉追尊謚皇妣李氏為恭愍皇
后葬于恭北陵西域長史班勇敦煌太守張
朗討焉耆尉犁危須三國破之並遣子貢獻
秋七月甲戌朔日有食之壬午太尉朱寵司
徒朱伉罷庚子太常劉光為太尉錄尚書事

光祿勳許敬為司徒

劉光字仲遼即太尉劉矩之弟許敬字鴻卿平

輿人辛丑下邳王成薨

三年春正月丙子京師地震漢陽地陷裂甲

午詔實覈傷害者賜年七歲以上錢人二千

一家被害郡縣為收斂乙未詔勿收漢陽今

牟田租口賦夏四月癸卯遣光祿大夫案行

漢陽及河內魏郡陳留東郡稟貸貧人六月

旱遣使者錄囚徒理輕繫甲寅濟南王顯薨

秋七月丁酉茂陵園寢灾帝縞素避正殿爾雅

日縞皓也縞之精白者曰縞

辛亥使太常王龔持節告祠

茂陵九月鮮卑寇漁陽冬十二月己亥太傅

桓焉免

東觀漢記曰無清介辟召策罷

是歲車騎將軍來歷

罷

四年春正月丙寅詔曰朕託王公之上涉道

日寡政失厥中陰陽氣隔寇盜肆暴庶獄弥

繁憂悴永歎疾如疾首詩云君子如祉亂庶

遘已

解見章紀

三朝之會朔旦立春嘉與海內洗

心自新其赦天下從甲寅赦令以來復秩屬

籍三年正月已來還贖其閩顯江京等知識

婚姻禁錮一原除之妻父曰婚婿父曰姻一猶皆也務崇寬

和敬順時令遵典去苛以稱朕意丙子帝加

元服冠也賜王主貴人公卿以下金帛各有差

賜男子爵及流民欲占者人一級為父後三

老孝悌力田人二級鰥寡孤獨篤癯不能自

存帛人一匹二月戊戌詔以民入山鑿石發

洩藏氣勅有司檢察所當禁絕如建武永平

故事夏五月壬辰詔曰海內頗有灾異朝廷

修政太官減膳珍玩不御而桂陽太守文龔

音力公反不惟竭忠宣暢本朝而遠獻大珠以求

幸媚今封以還之五州雨水秋八月庚子遣

使實覈死亡收斂稟賜丁巳太尉劉光司空

張皓免東觀記曰以陰陽不和久託病策免九月復安定北地

上郡歸舊土安帝永初五年徙今復之癸酉大鴻臚龐參

為太尉錄尚書事太常王龔為司空冬十一

月庚辰司徒許敬免東觀記曰為陵轅使官策罷以千石祿終身

劉攽曰註陵轅使官案文官當作者鮮卑寇朔方十二月乙卯

宗正劉崎為司徒

崎字叔峻華陰人也

是歲分會稽為

兵郡拘彌國遣使貢獻

五年春正月疏勒王遣侍子及大宛莎車王

皆奉使貢獻夏四月京師旱辛巳詔郡國貧

人被灾者勿收責今年過更京師及郡國十

二蝗冬十月丙辰詔郡國中都官死罪繫囚

皆減罪一等詣北地上郡安定戌乙亥定遠

侯班始坐殺其妻陰城公主腰斬

始班超孫也尚順帝

姑陰城公主東觀記曰陰城公主名賢得

同產皆弃市

六年春二月庚午河間王開薨三月辛亥復

伊吾屯田

章帝建初二年罷也

復置伊吾司馬一人秋

九月辛巳繕起太學護烏桓校尉耿曄遣兵

擊鮮卑破之丁酉于闐王遣侍子貢獻冬十

一月辛亥詔曰連年灾潦冀部尤甚比蠲除

實傷贍恤窮匱而百姓猶有弃業流亡不絕

疑郡縣用心怠惰恩澤不宜易美損上益下

書稱安民則惠

易益卦曰損上益下人悅無疆惠愛也尚書曰安人則惠

黎人懷之其令冀部勿收今年田租芻橐十二月

日南徼外葉調國揮國遣使貢獻東觀記曰

遣使師會詣闕貢獻以師會為漢歸義葉調邑君賜其君紫綬及揮國王雍由亦賜金印

紫綬揮音擅壬申客星出牽牛于闐王遣侍子詣

闕貢獻

陽嘉元年春正月乙巳立皇后梁氏賜爵入

二級三老孝悌力田三級爵過公乘得移與

子若同產同產子民無名數及流民欲占著

者人一級鰥寡孤獨篤癯貧不能自存者粟

入五斛二月海賊曾旌等寇會稽殺句章鄞

鄞三縣長

三縣皆屬會稽郡鄞縣今越州縣也句章故城在今鄞縣西鄞故城

在鄞縣東南鄞音銀鄞音茂

攻會稽東部都尉詔緣海縣

各屯兵戍丁巳皇后謁高廟光武廟詔稟甘

陵貧人大小口各有差京師旱庚申勅郡國

二千石各禱名山岳瀆遣大夫謁者詣嵩高

首陽山并祠河洛請雨

首陽山在洛陽東北也

戊辰雩

以冀部比年水潦民食不贍詔案行稟貸勸

農功賑乏絕甲戌詔曰政失厥和陰陽隔并

冬鮮宿雪春無澍雨分禱祈請靡神不禱說文

後漢書

九

日祭設綿葛為營以祈水早祭音詠詩曰靡神不舉深恐在所慢違如

在之義論語曰祭神如神在今遣侍中王輔等持節分

詣岱山東海滎陽河洛盡心祈焉濟水四瀆之一河南

溢為滎澤故於滎陽祠焉三月揚州六郡妖賊章河等寇

四十九縣殺傷長吏庚寅帝臨辟雍饗射大

赦天下改元陽嘉詔宗室絕屬籍者一切復

籍稟冀列充貧民勿收今年更租口賦夏五

月戊寅阜陵王恢薨秋七月史官始作候風

地動銅儀時張衡為太史令作之丙辰以太學新成試

明經下第者補弟子增甲乙科負各十人前

音義曰甲科謂作簡策難問列置案上在試者意投射取而答之謂之射策上者為甲次

者為乙若錄政化得失顯而問之謂之對策也除郡國耆儒九十人

補郎舍人九月詔郡國中都官繫囚皆減死

一等亡命者贖各有差鮮卑寇遼東冬十一

月甲申望都蒲陰狼殺女子九十七人望都縣名

屬中山國今定州縣也章帝改曲逆為蒲陰亦屬中山與望都相近故城在今定州北東

觀記亦作蒲本多作滿滿字者誤也東觀又云為不祠北岳所致詔曰政失厥中狼災為

應至乃殘食孤幼傳訪其故山岳尊靈國呀望秩而祀不奉祠淫刑放濫害加孕婦也○

劉敞曰注本多作滿滿詔賜狼所殺者錢人

三千辛卯初令郡國舉孝廉限年四十以上

諸生通章句文吏能牋奏乃得應選其有茂

才異行若顏淵子奇不拘年齒史記曰顏回

二十九髮盡白早死新序曰子奇年十八齊君使之化阿至阿鑄其庫兵以為耕器出倉廩以賑貧窮

阿縣大化十二月丁未東平王敞薨庚戌

復置玄菟郡屯田六郡閏月丁亥令諸以詔

除為郎年四十以上課試如孝廉科者得參

廉選歲舉一人戊子客星出天苑辛卯詔曰

閒者以來吏政不勤故灾咎屢臻盜賊多有
退省所由皆以選舉不實官非其人是以天

心未得人情多怨書歌股肱詩刺三事尚書益稷

篇帝作歌曰元首明哉股肱良哉詩小雅曰三事大夫莫肯夙夜邦君諸侯莫肯朝夕也

今刺史二千石之選歸任三司三司三公也即太尉司空

司徒也歸猶委任也其簡序先後情覈高下歲月之次

文武之宜務存厥衷庚子恭陵百丈廡灾恭陵

安帝陵也廡廊屋也說文曰堂下周屋曰廡也是歲起西苑修飾宮

殿

二年春二月甲申詔以兵郡會稽飢荒貸人
種糧三月使匈奴中郎將王稠率左骨都侯
等擊鮮卑破之辛酉除京師耆儒年六十以
上四十八人補郎舍人及諸王國郎夏四月
復置隴西南部都尉官武帝元朔四年初置
南部都尉於隴西臨
洮縣中興以來廢
至此復置之也己亥京師地震五月庚子
詔曰朕以不德統奉鴻業無以奉順乾坤協
序陰陽灾眚屢見咎徵仍臻地動之異發自
京師矜矜祗畏不知所裁群公卿士將何以

匡輔不逮奉答戒異異不空設必有所應其

各悉心直言厥咎靡有所諱戊午司空王龔

免六月辛未太常魯國孔扶為司空扶字
仲淵疏

勒國獻師子封牛東觀記曰疏勒王盤遣使
文時詣關師子似虎正黃

有額形尾端茸毛大如牛封牛其額上
肉隆起若封然因以名之即今之峯牛丁丑

洛陽地陷是月旱秋七月己未太尉龐參免

八月己巳大鴻臚沛國施延為太尉延字君
子蘄縣

也鮮卑寇代郡冬十月庚午行禮辟雍奏應

鍾始復黃鍾作樂器隨月律子為黃鍾律長
九寸聲有輕重

長短度量皆出黃鐘隨月律謂月令正月律
中太簇二月律中夾鐘三月律中姑洗四月
律中仲呂五月律中蕤賓六月律中林鐘七
月律中夷則八月律中南呂九月律中無射
十月律中應鐘十一月律中黃鐘十二月律
中大呂東觀記曰元和以來音戾不調復修
如舊典
簇音湊

三年春二月己丑詔以久旱京師諸獄無輕
重皆且勿考竟須得澍雨三月庚戌益州盜
賊劫質令長殺列侯夏四月丙寅車師後部
司馬率後部王加持奴等掩擊匈奴大破之
獲其季母五月戊戌制詔曰昔我太宗丕顯

之德假于上下儉以恤民政致康乂朕秉事
不明政失厥道天地譴怒大變仍見春夏連
旱寇賊彌繁元元被害朕甚愍之嘉與海內
洗心更始其大赦天下自殊死以下謀反大
逆諸犯不當得赦者皆赦除之賜民年八十
以上米人一斛肉二十斤酒五斗九十以上
加賜帛人二匹絮三斤秋七月庚戌鍾羌寇
隴西漢陽冬十月護羌校尉馬續擊破之十
一月壬寅司徒劉崎司空孔扶免乙巳大司

農南郡黃尚為司徒光祿勳河東王卓為司

空黃尚字伯河南郡郟人也王卓字仲遼河東解人也郟音求紀反丙午武

都塞上屯羌及外羌攻破屯官驅略人畜

四年春二月丙子初聽中官得以養子為後

世襲封爵自去冬旱至于是月謁者馬賢擊

鍾羌大破之夏四月甲子太尉施延免東觀

以選舉貪戊寅執金吾梁商為大將軍前太

尉龐參為太尉六月己未梁王匡薨秋七月

己亥濟北王登薨閏月丁亥朔日有食之冬

十月烏桓寇雲中十一月圍度遼將軍耿曄

於蘭池續漢志曰雲中郡沙南縣有蘭池城發諸郡兵救之烏

桓退走十二月甲寅京師地震

永和元年春正月夫餘王來朝乙卯詔曰朕

秉政不明灾眚屢臻典籍所忌震食為重今

日變方遠地搖京師東觀記曰陽嘉四年詔曰朕以不德謫見于天

零陵言曰食京師不覺故此言曰變方遠○

劉攽曰正文曰變方遠案注引東觀記曰零陵言曰食則其遠方也各徵不虛必有所應

言方遠無理與注皆誤 群公百僚其各上封事指陳得失靡有所諱

己巳宗祀明堂登雲臺改元永和太赦天下

秋七月偃師蝗冬十月丁亥承福殿火帝避

御雲臺十一月丙子太尉龐參罷十二月象

林蠻夷叛乙巳以前司空王龔為太尉

二年春正月武陵蠻叛圍充縣又寇夷道充縣屬武陵郡故城在澧州崇義縣

東北充音衝夷道屬南郡也二月廣漢屬

國都尉擊破白馬羌武陵太守李進擊叛蠻

破之二月辛亥北海王翼薨乙卯司空王卓

薨乙丑光祿勳馮翊郭虔為司空虔字君賢池陽人也

夏四月丙申京師地震五月日南叛蠻攻郡

府秋七月九真交阯二郡兵反八月庚子熒

惑犯南斗熒惑火星也南斗北方之宿也前書音義曰犯謂七寸內光芒相及

江夏盜賊殺邾長邾縣屬江夏郡故城在今復州竟陵縣東邾音朱

冬十月甲申行幸長安所適鰥寡孤獨貧不

能自存者賜粟人五斛庚子幸未央宮會三

輔郡守都尉及官屬勞賜作樂十一月丙午

祠高廟丁未遂有事十一陵丁卯京師地震

十二月乙亥至自長安

三年春二月乙亥京師及金城隴西地震二
郡山岸崩地陷戊子太白犯熒惑夏四月九
江賊蔡伯流寇郡界及廣陵殺江都長戊戌
遣光祿大夫案行金城隴西賜歷死者年七
歲以上錢入二千一家皆被害為收歛之除
今年田租尤甚者勿收口賦閏月蔡伯流等
率眾詣徐列刺史應志降續漢書曰志字仲
節汝南南頓人也
曾祖已酉京師地震五月吳郡丞羊珍反攻
父順郡府太守王衡破斬之六月辛丑琅邪王遵

薨九真太守祝良交趾刺史張喬慰誘日南

叛蠻降之嶺外平續漢書曰祝良字
邵卿長沙臨湘人秋七月

丙戌濟北王多薨八月己未司徒黃尚免九

月己酉光祿勳長沙劉壽為司徒壽字伯長
臨湘人也

丙戌令大將軍三公各舉故刺史二千石及

見令長郎謁者四府掾屬剛毅武猛有謀謨

任將帥者各二人特進卿校尉各一人冬十

月燒當羌寇金城護羌校尉馬賢擊破之羌

遂相招而叛十二月戊戌朔日有食之

差下本有五
月二字

四年春正月庚辰中常侍張逵薨政楊定等有罪誅事見梁商傳也連及弘農太守張鳳安平相楊皓下獄死三月乙亥京師地震夏四月癸卯護羌校尉馬賢討燒當羌大破之戊午大赦天下賜民爵及粟帛各有差戊辰封故濟北惠王壽子安為濟北王秋八月太原郡旱民庶流冗癸丑遣光祿大夫案行稟貸除更賦冬十月戊午校獵上林苑歷函谷關而還十一月丙寅幸廣成苑

五年春二月戊申京師地震夏四月庚子中

山王弘薨南匈奴左部句龍大人吾斯車紐

等叛圍美稷美稷縣屬西河郡也五月度遼將軍馬續

討吾斯車紐破之使匈奴中郎將陳龜追殺

南單于巴丑晦日有食之且凍羌寇三輔殺

令長且音子余反丁丑令死罪以下及亡命贖各

有差九月令扶風漢陽築隴道塢三百所置

屯兵辛未太尉王龔罷且凍羌寇武都燒隴

關隴山之關也今名大震關在今隴州汧源縣西也壬午太常桓焉

爲太尉丁亥徙西河郡居離石

離石縣名在郡南五百九

里西河平定縣至此徙於離石

上郡居夏陽朔方居五原

句龍吾斯等東引烏桓西收羌胡寇上郡立

車紐爲單于冬十一月辛巳遣使匈奴中郎

將張耽擊破之車紐降

六年春正月丙子征西將軍馬賢與旦凍羌

戰于射姑山賢軍敗沒安定太守郭璜下獄

死詔貸王侯國租一歲閏月鞏唐羌寇隴西

遂及三輔二月丁巳有星孛于營室三月武

都太守趙冲討鞏唐羌破之庚子司空郭虔

免丁巳河閒王政薨丙午太僕趙戒爲司空

戒字志伯蜀郡成都人也

夏五月庚子齊王無忌薨使匈

奴中郎將張耽大破烏桓羌胡於天山

東觀記曰

耽將吏兵繩索相懸上通天山

鞏唐羌寇北地秋七月甲午

詔假民有貧者戶錢一千八月丙辰大將軍

梁商薨壬戌河南尹梁冀爲大將軍九月諸

種羌寇武威辛亥晦日有蝕之冬十月癸丑

徙安定居扶風北地居馮翊十一月庚子以

執金吾張喬行車騎將軍事將兵屯三輔

漢安元年春正月癸巳宗祀明堂大赦天下

改元漢安二月丙辰詔大將軍公卿舉賢良

方正能探頤索隱者各一人頤幽深也秋七

月始置承華廐東觀記曰時以遠近獻馬衆多園廐充滿始置承華廐令

秩六八月南匈奴左部大人句龍吾斯與莫

鞬臺耆等反叛莫音於六反鞬音居言反丁卯遣侍中杜

喬光祿大夫周舉守光祿大夫郭遵馮羨藥

巴張綱周栩劉班等八人分行州郡班宣風

化舉實臧否九月廣陵盜賊張嬰等寇郡縣

冬十月辛未太尉桓焉司徒劉壽免甲戌行

車騎將軍張喬罷○劉攽曰案文少一事字十一月壬午

司隸校尉趙峻為太尉大司農胡廣為司徒

峻字伯師下邳徐人也癸卯詔大將軍三公選武猛試

用有效驗任為將校者各一人是歲廣陵賊

張嬰等詣太守張綱降

二年春二月丙辰鄯善國遣使貢獻夏四月

庚戌護羌校尉趙冲與漢陽太守張貢擊燒

當羌於參緜破之

參緜縣屬安定郡緜音力全反

六月乙丑

熒惑犯鎮星丙寅立南匈奴守義王兜樓儲

為南單于冬十月辛丑令郡國中都官繫囚

殊死以下出緜贖各有差其不能入贖者遣

詣臨羌縣居作二歲甲辰減百官奉丙午禁

沽酒又貸王侯國租一歲閏月趙冲擊燒當

羌於河陽破之

河陽縣屬天水郡故城在今秦川龍成縣西北

十一

月使匈奴中郎將馬寔遣人刺殺句龍吾斯

十二月揚徐盜賊攻燒城寺殺略吏民是歲

涼州地百八十震

建康元年春正月辛丑詔曰隴西漢陽張掖

北地武威武都自去年九月已來地百八十

震山谷圻裂壞敗城寺殺害民庶夷狄叛逆

賦役重數內外怨曠惟咎歎息其遣光祿大

夫案行宣暢恩澤惠此下民勿為煩擾三月

庚子沛王廣薨領護羌校尉衛琚追討叛羌

破之

琚音居

南郡江夏盜賊寇掠城邑列郡討

平之夏四月使匈奴中郎將馬寔擊南匈奴

左部破之於是胡羌烏桓悉詣寔降辛巳立
皇子炳為皇太子改年建康大赦天下賜人
爵各有差秋七月丙午清河王延平薨八月
揚徐盜賊范容周生等寇掠城邑遣御史中
丞馮赦督州郡兵討之庚午帝崩于玉堂前
殿時年三十遺詔無起寢廟歛以故服珠玉
玩好皆不得下
論曰古之人君離幽放而反國祚者有矣莫
不矯鑿前違審識情偽無忘在外之憂
難遭也矯

正也左傳曰晉侯在外十九年矣險阻
艱難備嘗之矣人之情偽盡知之矣故能

中興其業觀夫順朝之政殆不然乎何其儆

僻之多與
殆近也言順帝儆前
之僻不能改正也

孝冲皇帝諱炳
謚法曰幼少在位曰冲司馬
彪曰冲幼早夭故謚曰冲伏

侯古今注曰炳之字曰明順帝之子也母曰虞貴人建康

元年立為皇太子其年八月庚午即皇帝位

年二歲尊皇后曰皇太后太后臨朝丁丑以

太尉趙峻為太傅大司農李固為太尉叅錄

尚書事九月丙午葬孝順皇帝于憲陵
在洛陽西

十五里陵高八丈四尺周三百步廟曰敬宗是日京師及太

原鴈門地震三郡水涌土裂庚戌詔三公特

進侯卿校尉舉賢良方正幽逸修道之士各

一人百僚皆上封事已未九江太守丘騰有

罪下獄死東觀記曰騰知罪法深大懷揚州

刺史尹耀九江太守鄧顯討賊范容等於歷

陽軍敗耀顯為賊所殺冬十月日南蠻夷攻

燒城邑交阯刺史夏方招誘降之壬申常山

王儀薨已卯零陵太守劉康坐殺無辜下獄

死十一月九江盜賊徐鳳馬勉等稱無上將軍

軍攻燒城邑已酉令郡國中都官繫囚減死

一等徙邊謀反大逆不用此令十二月九江

賊黃虎等攻合肥是歲群盜發憲陵護羌校

尉趙冲追擊叛羌於鷓陰河戰死涼州姑蘇縣東南有

鷓陰縣故城因水以為名

永喜元年春正月戊戌帝崩于玉堂前殿年

三歲清河王蒜徵至京師

孝質皇帝諱纘謚法忠正無邪曰質古肅宗

玄孫曾祖父千乘貞王伉祖父樂安夷王寵
父勃海孝王鴻母陳夫人冲帝不豫大將軍
梁冀徵帝到洛陽都亭及冲帝崩皇太后與
冀定策禁中丙辰使冀持節以王青蓋車迎
帝入南宮丁巳封為建平侯其日即皇帝位
年八歲己未葬孝冲皇帝于懷陵在洛陽西
北十五里
伏侯古今注曰高四丈
六尺周百八十三步廣陵賊張嬰等復反
攻殺堂邑江都長堂邑縣屬廣陵郡
今揚州六合縣也九江賊
徐鳳等攻殺曲陽東城長曲陽縣屬九江郡
在淮西之陽故城

在今蒙州定遠縣西北東城
縣故城在定遠縣東南也甲申謁高廟乙

酉謁光武廟二月豫章太守虞續坐賊下獄

死乙酉大赦天下賜人爵及粟帛各有差還

王侯所削戶邑彭城王道薨叛羌詣左馮翊

梁並降三月九江賊馬勉稱皇帝九江都尉

滕撫討馬勉范容周生大破斬之東觀記曰
傳勉頭及

所帶玉印鹿皮冠黃衣詣洛
陽詔懸夏城門外章示百姓夏四月壬申雩

庚辰濟北王安薨丹陽賊陸宮等圍城燒亭

寺丹陽太守江漢擊破之五月甲午詔曰朕

以不德託母天下布政不明每失厥中自春

涉夏大旱炎赫憂心京京爾雅曰京京憂也故得禱

祈○劉放曰寧文云得無理當是復字明祀冀蒙潤澤前雖得

雨而宿麥頗傷比日陰雲還復開霽寤寐永

歎重懷慘結寤覺也寐思也詩曰寤寐永歎唯憂用老將二千石

令長不崇寬和暴刻之為乎其令中都官繫

囚罪非殊死考未竟者一切任出以須立秋

任保也郡國有名山大澤能興雲雨者二千石

長吏各絜齋請禱竭誠盡禮又兵役連年死

亡流離或支骸不斂或停棺莫收朕甚愍焉

昔文王葬枯骨人賴其德呂氏春秋曰周文王使人掘地得死人骸文王曰更葬之吏曰此無主文王曰有天下者天下之主今我非其主邪遂令吏以衣棺葬之天下聞之曰文王賢矣澤及枯骨又況人乎今遣使者察行

若無家屬及貧無資者隨宜賜卹以慰孤魂

是月下邳人謝安應募擊徐鳳等斬之丙辰

詔曰孝殤皇帝雖不末休祚而即位踰年君

臣禮成孝安皇帝承襲統業而前世遂令恭

陵在康陵之上先後相踰失其次序非所以

奉宗廟之重垂無窮之制昔定公追正順祀

春秋善之魯閔公立二年而薨次僖公立僖雖是閔庶兄然嘗為閔臣位次當

在閔下後文公即位乃進僖公神位居閔之上左傳曰躋僖公逆祀也定公八年經書從祀先公從順也順祀謂退僖神位

於閔下穀梁曰從祀先公貴正也其令恭陵

次康陵憲陵次恭陵以序親秩為萬世法六

月鮮卑寇代郡秋七月庚寅阜陵王代薨廬

江盜賊攻尋陽又攻盱台音吁夷今楚州縣也滕撫遣

司馬王章擊破之九月庚戌太傅趙峻薨冬

十一月己丑南陽太守韓昭坐贓下獄死東觀

記曰強賦一億五千萬楹車徵下獄丙午中郎將滕撫擊廣陵

賊張嬰破之丁未中郎將趙序坐事弃市東觀

記曰取錢縑三百七十五萬歷陽賊華孟自稱黑帝攻殺

九江太守楊岑滕撫率諸將擊孟等大破斬

之

本初元年春正月丙申詔曰昔堯命四子以

欽天道四子謂義仲義叔和仲和叔鴻範九

疇休咎有象尚書曰天乃錫禹洪範九疇孔安國注云洪大也範法也疇類

也言天與禹洛出書神龜負文而出列於背有數至于九禹遂因而第之以成九類其八

慢

曰庶徵有休徵咎徵之應休美也咎惡也徵
驗也入君行善政則百穀用成家用平康是
休徵也政有乖失則百穀用不成家用不寧
是咎徵也休之與咎皆象人君之政故言休
咎有象也夫瑞以和降異因逆感禁微應大
象或作家

前聖所重

言君政然和則瑞氣降若逆時令則災異感所禁雖微其應乃大前

聖所重即謂唐堯欽若昊天箕子休咎之應

頃者列郡輕慢憲防

競逞殘暴造設科條陷入無罪或以喜怒驅

逐長吏恩阿所私罰枉仇隙至今守闕訟訟

前後不絕送故迎新入離其害怨氣傷和以

致災眚書云明德慎罰

書過也明德慎罰尚書康誥之言

春東作育微敬始其勅有司罪非殊死且勿

案驗以崇在寬

言東作之時須育養細微敬事之始禮記月令孟春之月

無殺蟲胎天飛鳥無麇無卵慶賜遂行無有不當書曰敬敷五教在寬

壬子廣

陵太守王喜坐討賊逗遛下獄死二月庚辰

詔曰九江廣陵二郡數離寇害殘夷最甚

謂

年張嬰寇廣陵華孟寇九江也

生者失其資業死者委尸原

野昔之為政一物不得其所若已為之

尚書一夫

弗獲則曰

況我元元嬰此困毒方春戒節賑

濟乏庀掩骼埋胔之時

月令孟春之月行慶施惠下及兆民又曰

埋作埋

掩骼埋胔鄭玄注曰為死氣逆其調比郡見

穀出稟窮弱收葬枯骸務加埋卹以稱朕意

夏四月庚辰令郡國舉明經年五十以上七

十以下詣太學自大將軍至六百石皆遣子

受業歲滿課試以高第五人補郎中次五人

太子舍人又千石六百石四府掾屬三署郎

四姓小侯先能通經者各令隨家法四府掾屬謂大

將軍府掾屬二十九人太尉府掾屬二十四

人司徒府三十一人司空府二十九人漢官

左右中郎將皆秦官也此二千石三署郎皆

屬焉三署謂五官署左右署也儒生為詩者

謂之詩家禮者謂之禮家故言各隨家法也

四姓小侯解見明紀也○劉攽曰注漢官左

右中郎將案其高第者上名牒當以次賞進

文少一儀字五月庚寅徙樂安王為渤海王海

水溢戊申使謁者案行收葬樂安北海人為水

所漂沒死者又稟給貧羸庚戌太白犯熒惑

六月丁巳大赦天下賜民爵及粟帛各有差

閏月甲申大將軍梁冀潛行鸞弒帝崩于玉

堂前殿卒九歲丁亥太尉李固免戊子司徒

胡廣為太尉司空趙戒為司徒與梁冀參錄

尚書事

太僕袁湯為司空

贊曰孝順初立時髦允集

爾雅曰髦俊也郭璞注曰士中之俊

猶毛中之髦時張皓王龔龐參張衡李邵李固黃瓊之儔也

匪砥匪革終

淪嬖習

砥礪也革改也淪沒也言順帝初外天位又群賢物集不能因茲自礪改

革前非而終溺於私嬖近習也謂封孫程等十九人為侯又詔中官養子聽襲封爵之類

也保阿傳土后家世及

保安也阿倚也言可保倚以取安傳姆之

類也傳土謂阿母山陽君宋娥更相貨賂求增邑土也右家謂拜后父梁商為大將軍商

薨仍拜子龔為大將軍弟不疑為河南尹冲矢未識質弒以聰陵

折在運天緒三終

言陵遲天折在於時運呀以天之胤緒頻致三終也

帝紀第六

張泉王 鰲叟 校正

桓帝紀第七

范曄

後漢書七

孝桓皇帝諱志

謚法曰克敵服遠曰桓志之字曰意

肅宗曾孫

也祖父河閒孝王開父蠡吾侯翼

順宗時開上書願分

蠡吾縣以封翼帝許之蠡吾故城在今瀛州博野縣西蠡音禮

母匱氏

諱明本蠡

吾侯之媵妻史記曰匱姓各錄之後也匱音郾

翼卒帝襲爵為侯本

初元年梁太后徵帝到夏門亭

洛陽城北面西頭門也門

外有萬壽亭

將妻以女弟

妻音七計反

會質帝崩太后

遂與兄大將軍冀定策禁中閏月庚寅使冀

持節以王青蓋車

續漢志曰皇太子皆安車朱班輪青蓋金華蚤故曰

王青蓋 迎帝入南宮其日即皇帝位時年十

五太后猶臨朝政東觀記曰太秋七月乙卯

葬孝質皇帝于靜陵在洛陽東南三十里陵

八齊王喜薨辛巳謁高廟光武廟丙戌詔曰

孝廉廉吏皆當典城牧民禁姦舉善興化之

本恒必由之詔書連下分明懇惻而在所翫

習遂至怠慢選舉乖錯害及元元頃雖頗繩

正猶未懲改方今淮夷未殄軍師屢出本初

廬江賊攻盱台廣陵賊張晏等殺江都長盱
台江都並近淮故言淮夷時中郎將滕撫屢

擊破之其餘
衆猶未殄也百姓疲悴困於徵發庶望群吏

惠我勞民蠲滌貪穢以祈休祥其令秩滿百

石十歲以上有殊才異行乃得參選賊吏子

孫不得察舉杜絕邪偽請託之原今廉白守

道者得信其操信音申
古字通各明守所司將觀厥

後九月戊戌追尊皇祖河閒孝王曰孝穆皇

夫人趙氏曰孝穆皇后皇考蠡吾侯曰孝崇

皇冬十月甲午尊皇母偃氏為孝崇博園貴

人博本漢彘吾縣之地也帝既追尊父為孝
崇皇其陵曰博陵置園廟焉故曰博園在

今瀛州博野縣西貴人
位次皇后金印紫綬

建和元年春正月辛亥朔日有蝕之詔三公
九卿校尉各言得失戊午大赦天下賜吏更
勞一歲男子爵人二級爲父後及三老孝悌
力田入三級鰥寡孤獨篤癯貧不能自存者
粟人五斛貞婦帛人三匹災害所傷什四以
上勿收田租其不滿者以實除之二月荆揚
二列人多餓死遣四府掾分行賑給沛國言
黃龍見譙夏四月庚寅京師地震詔大將軍

公卿校尉舉賢良方正能直言極諫者各一
人又命列侯將大夫御史謁者千石六百石

將謂五官左右虎賁羽林中郎將也大夫謂
光祿大夫太中大夫中散大夫諫議大夫

博士議郎郎官各上封事指陳得失

博士掌
通古今

比六百石議郎比六百石郎官謂三中
郎將下之屬官也有中郎侍郎郎中又詔

大將軍公卿郡國舉至孝篤行之士各一人
壬辰詔州郡不得迫脅驅逐長吏長吏贓滿
三十萬而不糾舉者刺史二千石以縱避爲
罪若有擅相假印綬者與殺人同弃市論丙

午詔郡國繫囚減死罪一等勿答唯謀反大

逆不用此書又詔曰比起陵塋作靜陵也彌歷時

歲力役既廣徒隸尤勤頃雨澤不沾密雲復

散儻或在茲易曰密雲不雨自我西郊其令徒作陵者減

刑各六月是月立阜陵王代兄勃適亭侯便

為阜陵王便光武玄孫也阜陵王恢之子以順帝陽嘉中封勃為適亭侯今改

封也適音子由反本傳作便親紀傳不同蓋有誤郡國六地裂水涌

井溢續漢志曰水溢壞城寺室屋殺人時芝

草生中黃藏府漢官儀曰中黃藏府掌中幣帛金銀諸貨物也六月

第有帝一本

太尉胡廣罷大司農杜喬為太尉秋七月勃

海王鴻薨章帝曾孫也樂安夷王寵之子立質帝之父也梁太后改封勃海立

弟蠡吾侯悝為勃海王乙未立皇后梁氏九

月丁卯京師地震太尉杜喬免冬十月司徒

趙戒為太尉戒字志伯蜀郡人也司空袁湯為司徒前

太尉胡廣為司空十一月濟陰言有五色大

鳥見于已氏續漢志曰時以為鳳皇政既衰缺梁冀專權皆羽孽也已氏縣

名屬濟陰郡故城在今宋州楚丘縣也古戎州已氏之邑也戊午減天下

死罪一等戍邊清河劉文反殺國相謝嵩欲

鳥

立清河王蒜為天子事覺伏誅蒜坐貶為尉

氏侯徙桂陽自殺尉氏縣屬陳留郡今汴州縣也前太尉李

固杜喬皆下獄死續漢志曰順帝之末京都童謠曰直如弦死道邊曲

如鉤反其侯曲如鉤謂梁冀陳留盜賊李堅

自稱皇帝伏誅東觀記曰江

二年春正月甲子皇帝加元服庚子大赦天

下賜河間勃海二王黃金各百斤河間王建勃海王惺

彭城諸國王各五十斤彭城王定公主大將軍三

公特進侯中二千石二千石將大夫郎吏從

官四姓及梁鄧小侯諸大夫以下帛各有差

年八十以上賜米酒肉九十以上加帛二匹

綿三介三月戊辰帝從皇太后幸大將軍梁

冀府白馬羌寇廣漢屬國殺長吏益州刺史

率板楯蠻討破之板楯西南蠻之號夏四月丙子封

帝弟顧為平原王奉孝崇皇祀尊孝崇皇夫

人馬氏為孝崇園貴人嘉禾生大司農帑藏

說文曰帑者金布所藏之府也帑作朗反五月癸丑北宮掖廷中

德陽殿及左掖門火車駕移幸南宮六月改

清河爲甘陵立安平王得子經侯理爲甘陵

王安平今定州縣也秋七月京師大水河東

言木連理冬十月長平陳景自號黃帝子署

置官屬又南頓管伯亦稱真人並圖舉兵悉

伏誅

三年春三月甲申彭城王定薨夏四月丁卯

晦日有蝕之續漢志曰在東井二十三度東

也法五月乙亥詔曰蓋聞天生蒸民不能相理

爲之立君使司牧之君道得於下則休祥著

乎上庶事失其序則咎徵見乎象已上略成

閒者日食毀缺陽光晦暗朕祇懼潛思匪遑

啓處遑暇也啓跪也詩小雅傳不云乎日食

修德月食修刑公羊傳昔孝章帝愍前世禁

徙故建初之元並蒙恩澤流徙者使還故郡

沒入者免爲庶民先皇德政可不務乎其自

末建元年迄于今歲凡諸妖惡支親從坐及

吏民滅死徙邊者悉歸本郡唯沒入者不從

此令六月庚子詔大將軍三公特進侯其與

卿校尉舉賢良方正能直言極諫之士各一
入乙卯震憲陵寢屋秋七月庚申廉縣雨肉

續漢志曰肉似羊肺或大如手五行傳云弄
法律逐功臣時則有羊禍持則有赤肯赤祥
是時梁太后攝政兄冀專權枉誅李
固杜喬天下冤之廉縣屬北地郡也八月乙

丑有星孛于天市前書曰旗星中
四星名曰天市京師大水

九月己卯地震庚寅地又震詔死罪以下及

亡者贖各有差郡國五山崩冬十月太尉趙

戒免司徒袁湯為太尉大司農河內張歆為

司徒歆字敬讓十一月中申詔曰朕攝政失中灾

眚連仍三光不明陰陽錯序監寐寤歎疾如

疾首監寐言雖寢而
不寐也寤覺也今京師廡舍死者相枕

廡舍賤役人之舍也郡縣阡陌處處有之甚違周文掩

芻之義其有家屬而貧無以葬者給直人三

千喪主布三匹若無親屬可於官墾地葬之

墾官之餘地也前書音義曰墾
城郭旁地音奴喚而變二反表識姓名為

設祠祭又徒在作部疾病致醫藥死亡厚埋

藏民有不能自振及流移者稟穀如科刈郡

檢察務崇恩施以康我民

和平元年春正月甲子大赦天下改元和平

已亥詔曰曩者遭家不造先帝早世謂順帝崩也詩

周頌曰閔予小子遭家不造鄭玄注云求惟

太宗之重深思嗣續之福詢謀台輔稽之兆

占既建明拓克定統業天人協和萬國咸寧

元服已加將即委付而四方盜竊頗有未靜

故假延臨政以須安謐幸賴股肱禦侮之助

殘醜消蕩謂建和二年長安陳景反南頓管伯等謀反並伏誅民和年

稔普天率土遐邇洽同遠覽復子明辟之義

尚書曰周公曰朕復子明辟復還也子謂成

王也辟君也謂周公攝政已久故復還明君

之政於成王今太近慕先姑歸授之法先姑

右亦還政於帝也帝閭皇右也爾雅曰婦人謂夫之父曰舅夫

之母曰姑在則曰君舅君姑歿則曰先舅先

也姑及今令辰皇帝稱制群公卿士虔恭爾位

戮力一意勉同斷金金者剛之物也言人能

也易曰二人同心其利斷金展也大成則所望矣詩小雅

君子展也大成鄭玄注云允信也展誠也大

成謂致太平也言誠能致太平是所望也二月扶風妖賊裴優自稱皇帝伏誅裴姓優

俗通曰裴甲寅皇太后梁氏崩三月車駕徙伯益之後

幸北宮甲午葬順烈皇后夏五月庚辰尊博

園園園園貴人曰孝崇皇后秋七月梓潼山崩梓潼

縣屬廣漢郡今始州縣也有梓潼水冬十一月滅天下死罪一

等徙邊戍

元嘉元年春正月京師疾疫使光祿大夫將

醫藥案行癸酉大赦天下改元元嘉二月九

江廬江大疫甲午河間王建薨夏四月己丑

安平王得薨河間孝王開之子初為樂成王後改曰安平京師旱

任城梁國飢民相食司徒張歆罷光祿勳吳

寘寘同

雄為司徒秋七月武陵蠻叛冬十月司空胡

廣罷十一月辛巳京師地震閏月庚午任城

王崇薨太常黃瓊為司空

二年春正月西域長史王敬為于寘國所殺

敬殺于寘王建故國人殺之丙辰京師地震夏四月甲寅

孝崇皇后園氏崩庚午常山王豹薨五月辛

卯葬孝崇皇后于博陵秋七月庚辰日有食

之八月濟陰言黃龍見句陽縣名屬濟陰郡左傳曰盟于句

瀆之丘是也故城在今曹州乘氏縣北一名穀丘金城言黃龍見允

街允街縣名屬金城郡音緣皆冬十月乙亥京師地震十

一月司空黃瓊免十二月特進趙戒為司空

右北平太守和旻坐贓下獄死

永興元年春二月張掖言白鹿見三月丁亥

幸鴻池夏五月丙申大赦天下改元永興丁

酉濟南王廣薨無子國除秋七月郡國三十

二蝗河水溢百姓飢窮流冗道路至有數十

萬戶冀州尤甚詔所在賑給乏絕安慰居業

冬十月太尉袁湯免太常胡廣為太尉司徒

吳雄罷司空趙戒免以太僕黃瓊為司徒光

祿勳房植為司空十一月丁丑詔減天下死

罪一等徙邊戍是歲武陵太守應奉招誘叛

蠻降之

二年春正月甲午大赦天下二月辛丑初聽

刺史二千石行三年喪服癸卯京師地震詔

公卿校尉舉賢良方正能極言直諫者各一

人詔曰比者星辰謬越坤靈震動災異之降

必不空發勅已修政庶望有補其輿服制度

有踰侈長飾者皆宜省損長音直亮反郡縣務存

儉約申明舊令如求平故事六月彭城泗水

增長逆流張衡對策曰水者五行之首逆流者人君之恩不能下及而教逆反也

也詔司隸校尉部刺史曰蝗災為害水變仍

至五穀不登人無宿儲其令所傷郡國種蕪

菁以助人食京師蝗東海胸山崩胸山名也在海州

胸山縣南九月丁卯朔日有食之詔曰朝政失中

雲漢作旱雲漢詩大雅篇名也周宣王時大旱故作詩倬彼雲漢昭回于天鄭

玄注云雲漢天河也倬然轉運於天時川靈

涌水蝗蟲孳蔓殘我百穀太陽虧光飢饉荐

臻其不被害郡縣當為飢餒者儲天下一家

趣不糜爛則為國寶其禁郡國不得賣酒祠

祀裁足太尉胡廣免司徒黃瓊為太尉閏月

光祿勳尹頌為司徒頌字公孫鞏人減天下死罪一

等徙邊戍蜀郡李伯詐稱宗室當立為太初

皇帝伏誅冬十一月甲辰校獵上林苑遂至

函谷關賜所過道傍年九十以上錢各有差

太山琅邪賊公孫舉等反叛殺長吏

貧物也後借

永壽元年春正月戊申大赦天下改元永壽

二月司隸冀州飢人相食司隸州即洛陽勅州郡賑

給貧弱若王侯吏民有積穀者一切貸得十

分之三貧音吐得反又音徒得反以助稟貸其百姓吏民

者以見錢雇直雇猶酬也王侯須新租乃償須待也

夏四月白鳥見齊國六月洛水溢壞鴻德苑

續漢志曰水溢至津城門漂流人物時梁冀專政疾害忠良威權震主後遂誅滅也南

陽大水司空房植免太常韓續為司空續音翼善

反詔太山琅邪遇賊者勿收租賦復更等三

年又詔被水死流失屍骸者令郡縣鈎求收

葬及所唐突埋厯溺物故七歲以上賜錢入

二千壞敗廬舍亡失穀食尤貧者稟人二斛

巴郡益州郡山崩益州郡名也武帝置諸本無郡字者誤也秋七

月初置太山琅邪都尉官漢官儀曰秦郡有尉一人典兵禁捕

盜賊景帝更名都尉建武七年省唯邊郡往往置都尉及屬國都尉今二郡寇賊不息故

置南匈奴左臺且渠伯德等叛寇美稷美稷西河

也安定屬國都尉張奐討除之

二年春正月初聽中官得行三年服中官常侍以下

二月甲申東海王臻薨三月蜀郡屬國夷叛
秋七月鮮卑寇雲中太山賊公孫舉等寇青
兗徐三州遣中郎將段熲討破斬之冬十一
月置太官右監丞官漢官儀曰太官右監十
丞秩比六百石也
二月京師地震
三年春正月己未大赦天下夏四月九真蠻
夷叛太守兒式討之戰歿遣九真都尉魏朗
擊破之復屯據日南閏月庚辰晦日有食之
六月初以小黃門為守宮令置冗從右僕射

宮漢官儀曰守宮令一人黃門冗
從僕射一人並秩六百石也京師蝗秋

七月河東地裂冬十一月司徒尹頌薨長沙

蠻叛寇益陽縣名屬長沙國在益水之陽
今潭州縣也故城在縣東司

空韓續為司徒太常北海孫朗為司空朗字
代平

延熹元年春三月己酉初置鴻德苑令漢官
儀曰

苑令一人
秩六百石夏五月己酉大會公卿以下賞賜

各有差甲戌晦日有食之京師蝗六月戊寅

大赦天下改元延熹丙戌分中山置博陵郡

以奉孝崇皇園陵博陵郡故城在今瀛州
博野縣也後徙安平大

零秋七月己巳雲陽地裂甲子太尉黃瓊免
太常胡廣為太尉冬十月校獵廣成遂幸上
林苑十二月鮮卑寇邊使匈奴中郎將張奐
率南單于擊破之

二年春二月鮮卑寇鴈門己亥阜陵王便薨
蜀郡夷寇蠶陵殺縣令三月復斷刺史二千
石行三年喪夏京師雨水六月鮮卑寇遼東
秋七月初造顯陽苑置丞丙午皇后梁氏崩
乙丑葬懿獻皇后于懿陵大將軍梁冀謀為

亂八月丁丑帝御前殿詔司隸校尉張彪將
兵圍冀第收大將軍印綬冀與妻皆自殺衛
尉梁淑河南尹梁胤屯騎校尉梁讓越騎校
尉梁忠長水校尉梁戟等及中外宗親數十
人皆伏誅太尉胡廣坐免司徒韓演司空孫
朗下獄東觀記曰並坐不備宮止長壽亭減死一等以爵贖之壬午立
皇后鄧氏追廢懿陵為貴人冢詔曰梁冀奸
暴濁亂王室孝質皇帝聰敏早茂冀心懷忌
畏私行殺毒求樂太后親尊莫二和平元年有司奏太

右所居皆以永樂為稱
置官屬太僕少府焉
冀又遏絕禁還京師

謂太后常居博
園不得居洛陽
使朕離母子之愛
隔顧復之恩

禍害深大罪釁日滋
賴宗廟之靈及中常

侍單超徐璜具瑗左
愴說文曰愴憂也音工
與反今作心旁官即

愴字也今唐衡尚書令尹
勲等激憤建策內

外協同漏刻之間
桀逆泉夷鳥懸首
於木也斯誠社

稷之祐臣下之力
宜班慶賞以酬忠
勲其封

超等五人為縣侯
勲等七人為亭侯
五縣侯
謂單超

新豐侯徐璜武原侯具瑗東武陽侯左愴上
蔡侯唐衡汝陽侯七亭侯謂尹勲宜陽都鄉

霍謂鄴都亭張敬山陽西鄉歐陽參修武仁

亭李瑋宜陽金門虞放寃句呂都亭周永下

邳高於是舊故恩私多受
封爵大司農黃瓊

為太尉光祿大夫中山
祝恬為司徒恬字伯
休盧奴

大鴻臚梁國盛允為司
空允字
伯代初置祕書

監官漢官儀祕書監
一人秩六百石冬十月
壬申行幸長安

乙酉幸未央宮甲午祠
高廟十一月庚子遂

有事十一陵壬寅中常
侍單超為車騎將軍

十二月己巳至自長安
賜長安民粟人十斛

園陵人五斛行所過縣
三斛燒當等八種羌

叛寇隴右護羌校尉段熲追擊於羅亭破之

東觀記曰追到積石山中與羅亭相近在今鄯州也天竺國來獻

三年春正月丙申大赦天下丙午車騎將軍

單超薨閏月燒當羌叛寇張掖護羌校尉段

熲追擊於積石大破之積石山在今鄯州龍支縣南即禹貢云導

河積石是也白馬令李雲坐直諫下獄死夏四月

上郡言甘露降五月甲戌漢中山崩六月辛

丑司徒祝恬薨七月司空盛允為司徒太常

虞放為司空放字子仲陳留人也長沙蠻寇郡界九月

太山琅邪賊勞丙等復叛寇掠百姓遣御史

中丞趙某史闕名也持節督州郡討之丁亥詔無

事之官權絕奉豐年如故冬十一月日南蠻

賊率眾詣郡降勒姐羌圍允街勒姐羌號也姐音子野反

段熲擊破之太山賊叔孫無忌攻殺都尉侯

章十二月遣中郎將宋資討破之武陵蠻寇

江陵車騎將軍馮緄討皆降散荊州刺史度

尚討長沙蠻平之

四年春正月辛酉南宮嘉德殿火戊子丙署

火丙署署名也續漢志曰丙署長七人秩六百石黃綬宜者為之主中宮別處大

疫二月壬辰武庫火司徒盛允免大司農种

嵩為司徒三月省冗從右僕射官求壽三年置太

尉黃瓊免夏四月太常劉矩為太尉甲寅封

河閒王開子博為任城王五月辛酉有星孛

于心丁卯原陵長壽門火巳卯京師雨雹東觀

記曰大如鷄子續漢志曰誅殺過差寵小人也六月京兆扶風及涼

列地震庚子岱山及博尤來山並頽裂博今博城

縣也泰山有祖來山一名尤來巳酉大赦天下司空虞放免

前太尉黃瓊為司空捷為屬國夷寇鈔百姓

益州刺史山昱擊破之零吾羌與先零諸種

並叛寇三輔秋七月京師零滅公卿以下奉

貸王侯半租占賣關內侯虎賁羽林緹騎營

士五大夫錢各有差九月司空黃瓊免大鴻

臚劉寵為司空冬十月天竺國來獻南陽黃

武與襄城惠得昆陽樂季詆言相署皆伏誅

先零沉氏羌與諸種羌寇并涼二州十一月

中郎將皇甫規擊破之十二月夫餘王遣使

來獻

五年春正月省太官右監丞永壽三年置壬午南

宮丙署火三月沉氏羌寇張掖酒泉壬午濟

北王次薨夏四月長沙賊起寇桂陽蒼梧東觀

記曰時攻沒蒼梧取銅虎符太守甘定刺史侯輔各奔出城桂陽郡在桂水之陽今連州

縣驚馬逸象突入宮殿乙丑恭陵東闕火帝安

陵也戊辰虎賁掖門火己巳太學西門自壞五

月康陵園寢火傷帝陵也長沙零陵賊起攻桂陽

蒼梧南海交趾遣御史中丞盛脩督州郡討

之不剋乙亥京師地震詔公卿各上封事甲

申中藏府丞祿署火秋七月己未南宮承善

闈火爾雅曰宮中門謂之闈廣雅曰闈謂之闈烏吾羌寇漢陽隴

西金城諸郡兵討破之八月庚子詔減虎賁

羽林住寺不任事者半奉勿與冬衣東觀記曰以京

師水旱疫病帑藏空虛虎賁羽林不任事者住寺減半奉據此謂簡選疲弱不勝軍事者

留什寺也其公卿以下給冬衣之半艾縣賊焚燒

長沙郡縣寇益陽殺令東觀記曰時賊乘刺史車屯據臨湘居太

守舍賊萬人以上屯益陽殺長吏艾縣名屬豫章郡故城今在洪州建昌縣又零

後漢書

十七

陵蠻亦叛寇長沙已卯罷琅邪都尉官

永壽元年

置冬十月武陵蠻叛寇江陵南郡太守李肅

坐奔北弃市辛丑以太常馮緄為車騎將軍

討之假公卿以下奉又換王侯租以助軍糧

出濯龍中藏錢還之十一月馮緄大破叛蠻

於武陵京兆虎牙都尉宗謙坐贓下獄死

京兆

虎牙都尉屯長安見西羌傳滇那羌寇武威張掖酒泉太

尉劉矩免太常楊秉於太尉

六年春二月戊午司徒种暠薨三月戊戌大

為

赦天下衛尉潁川許栩為司徒

栩字季夏關人

夏四

月辛亥康陵東署火五月鮮卑寇遼東屬國

秋七月甲申平陵園寢火

平陵昭帝陵也

桂陽盜賊

李研等寇郡界武陵蠻復叛太守陳奉與戰

大破降之隴西太守孫羌討滇那羌破之八

月車騎將軍馮緄免冬十月丙辰校獵廣成

遂幸函谷關上林苑十一月司空劉寵免南

海賊寇郡界十二月衛尉周景為司空

七年春正月庚寅沛王榮薨三月癸亥隕石

于鄆夏四月丙寅梁王成薨五月己丑京師
雨雹秋七月辛卯趙王乾薨野王山上有死
龍荆州刺史度尚擊零陵桂陽盜賊及蠻夷
大破平之冬十月壬寅南巡狩庚申幸章陵
祠舊宅遂有事于園廟賜守令以下各有差
戊辰幸雲夢臨漢水還幸新野祠湖陽新野
公主魯哀王壽張敬侯廟光武姊湖陽長公主
主新野長公主兄
堯破之十二月辛丑車駕還宮堯重並光武時立廟護堯校尉段熲擊當前

八年春正月遣中常侍左悺之若縣祠老子

史記曰老子者楚苦縣厲鄉曲仁里人也名
耳字聃姓李氏為周守藏吏有神廟故就祠
之若縣屬陳國故城在今亳勃海王悝謀反

刈谷陽縣也若音戶又如字癭陶縣屬鉅鹿郡故城
在今趙州癭陶縣西南丙申晦

降於癭陶王

日有食之詔公卿校尉舉賢良方正己酉南
宮嘉德署黃龍見千秋萬歲殿火太僕左稱
有臯自殺癸亥皇后鄧氏廢河南尹鄧萬世

鄧后之叔父也虎賁中郎將鄧會下獄死鄧后之護

堯校尉段熲擊勒姐堯破之三月辛巳大赦

天下夏四月甲寅安陵園寢火惠帝陵也丁巳壞

郡國諸房祀房謂祠堂也王渙傳曰時唯密

王渙祠濟陰東郡濟北河水清五月壬申罷太

山都尉官永壽元年丙戌太尉楊秉薨丙辰緹

氏地裂桂陽胡蘭朱盖等復反攻沒郡縣轉

寇零陵零陵太守陳球拒之遣中郎將度尚

長沙太守抗徐等擊蘭盖大破斬之謝承書曰抗徐

字伯徐丹陽人少為郡佐史有膽智策略三

府表徐有將率之任特遷長沙太守風俗通蒼梧太守張敘為賊

所執又桂陽太守任胤背敵畏懦皆弃市閏

月甲午南宮長秋和歡殿後鉤楯掖庭朔平

署火長秋宮名漢官儀曰六月段熲擊當前

荒於湟中大破之湟水名在今鄯州湟水縣秋七月太中

大夫陳蕃為太尉八月戊辰初令郡國有田

者畝斂稅錢錢畝也九月丁未京師地震冬十

月司空周景免太常劉茂為司空茂字叔盛彭城人也

辛巳立貴人竇氏為皇后勃海妖賊盖登等

盖音古稱太上皇帝有玉印珪璧鐵券相署

下

置皆伏誅

續漢書曰時登等有玉印五皆如白石文曰皇帝信璽皇帝行璽其

三無文字璧二十二珪五鐵券十一十一月

開王廟帶玉縵衣絳衣相署置也

壬子德陽殿西閣黃門北寺火延及廣義神

廣義神虎洛陽宮西門也在

虎門燒殺人

商門外表崧書曰是時連月火

災諸宮寺或一日三發人夜有訛言擊鼓相

驚陳蕃等上疏諫曰唯善政可以已之書

不使中常侍管霸之苦縣祠老子

九年春正月辛亥朔日有食之詔公卿校尉

郡國舉至孝沛國戴異得黃金印無文字遂

與廣陵人龍尚等共祭并作符書稱太上皇

伏誅

東觀記曰戴異鈕田得金印到廣陵以與龍尚已酉詔曰比歲

不登人多飢窮又有水旱疾疫之困盜賊徵

發南州尤甚

謂長沙桂陽零陵等郡也並屬荆州災異日食譴

告累至政亂在予仍獲咎徵其令大司農絕

今歲調度徵求及前年所調未畢者勿復收

責其災旱盜賊之郡勿收租餘郡悉半入三

月癸巳京師有火光轉行人相驚譟司隸豫

州飢死者什四五至有滅戶者遣三府掾賑

稟之陳留太守韋毅坐贓自殺夏四月濟陰

東郡濟北平原河水清司徒許栩免五月太
常胡廣為司徒六月南匈奴及烏桓鮮卑寇
緣邊九郡秋七月沈氏羌寇武威張掖詔舉
武猛三公各二人卿校尉各一人太尉陳蕃
免庚午祠黃老於濯龍宮遣使匈奴中郎將
張奐擊南匈奴烏桓鮮卑九月光祿勳周景
為太尉南陽太守成瑨太原太守劉質並以
譖弃市時小黃門趙津犯法質考殺之司空
劉茂免大秦國王遣使奉獻時國王安敦獻象犀角玳瑁

冬十二月洛城傍竹柏枯傷光祿勳汝南宣

鄴為司空

鄴字伯應封東陽亭侯

南匈奴烏桓率眾詣

張奐降司隸校尉李膺等二百餘人受誣為

黨人並坐下獄書名王府

河內牢脩告之事具劉淑傳

末康元年春正月先零羌寇三輔中郎將張

奐破平之當前羌寇武威護羌校尉段熲追

擊於鸞鳥大破之

鸞鳥縣名屬武威郡鸞音瞿

西羌悉平

夫餘王寇玄菟太守公孫域與戰破之夏四
月先零羌寇三輔五月丙申京師及上黨地

裂廬江賊起寇郡界壬子晦日有食之詔公

卿校尉舉賢良方正六月庚申大赦天下悉

除黨錮改元永康時李膺等頗引宦者子弟

赦帝許之故丙寅阜陵王統薨秋八月魏郡

言嘉禾生甘露降巴郡言黃龍見續漢志曰

沈浴見沱水濁因相戲恐此中有黃龍語遂

行人聞郡欲以為羨故上言之時史以書帝

紀桓帝政化衰缺而多言瑞應皆此類也先

儒言瑞興非時則為妖孽而人言生龍皆龍

孽也六列大水勃海海溢詔列郡溺死者七歲

以上錢人二千一家皆被害者悉為收斂其

亡失穀食稟人三斛冬十月先零羌寇三輔

使匈奴中郎將張奐擊破之十一月西河言

白兔見十二月壬申復癸陶王悝為勃海王

丁丑帝崩于德陽前殿年三十六戊寅尊皇

后曰皇太后太后臨朝是歲復博陵河間二

郡比豐沛

論曰前史稱桓帝好音樂善琴笙前史謂

芳林而考濯龍之宮薛統庄東京賦云濯龍

殿名芳林謂兩旁樹木設華蓋以祠浮圖

蘭也考成也既成而祭之設華蓋以祠浮圖

老子

淳圖今佛也續漢志曰祠老子於濯龍宮文闕為壇飾薄金銀器設華蓋之坐

用郊天樂

斯將所謂聽於神乎

左傳曰史嚚曰國將興聽於人將亡

聽於神

及誅梁冀奮威怒天下猶企其休息而

五邪嗣虐流衍四方

五邪謂單超徐璜左愴唐衡具瑗也

自非

忠賢力爭屢折姦鋒

忠賢謂李膺陳蕃竇武黃瓊朱穆劉淑劉陶等

各上書極諫以折宦官等姦謀之鋒也

雖願依斟流彘亦不可

得已

帝王紀曰夏帝相為羿所逐相乃都商在依同姓諸侯斟灌斟尋氏史記曰周

癘王好利暴虐周人相與畔而襲厲王王出奔于彘言帝寵幸宦豎令執威權賴忠臣李膺等竭力諫爭以免篡弒之禍不然則雖願

如夏相依斟周王流彘不可得也斟灌斟尋

國故城在今青洲彘晉地也

贊曰桓自宗支越躋天祿

越謂非次也躋升也天祿天位也左

傳子家羈曰天祿不再

政移五倖刑滂三獄

倖佞也淫濫也五倖

即上五邪也三獄謂李固杜喬李雲杜衆成瑨劉質也

傾宮雖積皇身

靡續

帝王紀曰紂多發羨女以充傾宮之室婦人衣綾紈者三百餘人擗桓帝納三

皇后又博採宮女五六千人金無孑也

桓帝紀第七

張泉王 鰲叟 校正

